



目

新校正

九九之目



本草綱目蟲部目錄第三十九卷



李時珍曰蟲乃生物之微者其類甚繁故字從三蟲
 會意按攷工記云外骨內骨却行仄行連行紆行以
 脰鳴注味鳴旁鳴翼鳴腹鳴胸鳴者謂之小蟲之屬
 其物雖微不可與麟鳳龜龍為伍然有羽毛鱗介倮
 之形胎卵風溼化生之異蠢動含靈各具性氣錄其
 功明其毒故聖人辨之况蝸蝻蟻蚋可供饋食者見
 于禮記蜈蚣蟾蠍可供七劑載在方書周官有庶氏
 除毒蠹剪氏除蠹物蝮氏去毒鼯赤祓氏除牆壁狸

蟲蠖之屬壺涿氏除水蟲狐蠃之屬則聖人之于微罔不致慎學者可不究夫物理而察其良毒乎

於是集小蟲之有功有害者為蟲部凡一百零六種

分為三類曰卵生曰化生曰溼生舊本蟲魚部三品共二百三十六種

今析出鱗介二部併入六種移入八種入禽獸服器部自有名未用移入六種木部移入二種

神農本草經二十九種梁陶弘景註

名醫別錄一十七種梁陶弘景註

唐本草一種唐蘇恭 本草拾遺二十四種唐陳藏器

海藥本草一種唐李珣 開寶本草二種宋馬志

圖經本草二種宋蘇頌 日華本草一種宋大明

證類本草二種宋唐慎微 本草會編一種明注機

本草綱目二十六種明李時珍

附註魏李當之藥錄 宋雷斅炮炙 唐甄權藥性 唐楊損之刪繁 南唐陳士良食性 宋掌禹錫補註 張元素珍珠囊 汪好古湯液 吳瑞日用 吳普本草 齊徐之才藥對 唐孫思邈千金 孟詵食療 蜀韓保昇重註 寇宗奭衍義 元李杲法象 朱震亨補遺 明汪穎食物

蟲之一 卵生類上二十二種

蜂蜜 本經
靈雀附
蜜蠟 本經
蜜蜂 本經

土蜂 別錄
大黃蜂 別錄
露蜂房 本經

竹蜂 拾遺
赤翅蜂 拾遺
獨脚蜂 拾遺

蠟翁 本經 即果蠃
蟲白蠟 會編

紫釗 唐本 即紫哽
五倍子 開寶 百藥煎
螳螂桑螵蛸 本經

雀甕 本經 即天漿子
原蠶 別錄 即晚蠶

石蠶 本經 雲 師兩虎附
九香蟲 綱目
海蠶 海藥

雪蠶 綱目
枸杞蟲 拾遺
懷香蟲 綱目

右附方舊六十四新二百零五

本草綱目蟲部第三十九卷

蟲之一 卵生類上二十三種

蜂蜜 本經 上品

釋名 蜂糖 俗名 生巖石者名石蜜 本經 石飴 同巖蜜 時珍

曰蜜以密成故謂之蜜本經原作石蜜蓋以生巖石者為良耳而諸家反致疑辯今直題曰蜂蜜正名也

正誤 恭曰土蜜出氏菴中最勝今關中白蜜其美耐久全勝江南者陶以禾見故以南土為勝耳今以水牛乳沙糖作者亦名石蜜此蜜既蜂作宜去石字宗奭曰嘉祐本草石蜜有二一見蠶魚

一見果部乳糖既曰石蜜則蟲部石蜜不當言石矣石字乃白字誤耳故今人尚言石沙蜜蓋新蜜

稀而黃陳蜜白而沙也。○藏器曰：蜜出南方巖嶺間，入藥最勝。石蜜宜改爲巖字，蕪恭是荆襄間人也，無崖險，不知石蜜之勝，故也。時珍曰：按本經云：石蜜生諸山石中，色白如膏者良，則其蜜取山石者爲勝矣。蕪恭不攷山石字，因乳糖同名而欲去石字，冠氏不知真蜜有白沙而偽蜜稀黃，但以新文立說，並誤矣。凡試蜜以燒紅火，筋插入提出，起氣是真，起烟是偽。

集解 別錄曰：石蜜生武都山谷，河源山谷及諸山，色白如膏者良。弘景曰：石蜜即崖蜜也。在高山巖石間，作之色青，味小酸，食之心煩，其蜂黑色似蚕，其木蜜懸樹枝，作之色青白，土蜜在土中，作之色亦青白，味酸，人家及樹空作者亦白，而濃厚，味美，今出晉安檀崖者多，土蜜云最勝，出東陽臨海諸處，及江南向西者多，木蜜出於潛懷安諸縣者多，崖蜜亦有樹木及人家養者，諸蜜例多添襍，及煎煮不可入藥，必須親自看取，乃無襍耳。凡蜂作蜜皆須入小便，以釀諸花，乃得熟，其似

作餈，須藥也。藏器曰：尋常蜜亦有木土作者，土作者者北方地燥，多在土中，南方地濕，多在木中，各隨土地所宜，其蜜一也。崖蜜別是一蜂，如陶所說，出南方崖嶺間，房懸崖上，或土窟中，人不可到，但以長竿刺，令蜜出，以物承取多者，至三四石，味酸，色綠，入藥勝於凡蜜。張華博物志云：南方諸山幽僻處，出蜜蠟，蜜蠟所著皆絕巖石壁，非攀緣所及，惟於山頂以藍輦懸下，遂得采取，蜂去餘蠟在石，有鳥如雀群來啄之，殆盡，名曰靈雀，至春蜂歸，如舊人亦占護其處，謂之蜜塞，此即石蜜也。頌曰：食蜜亦有兩種，一在山林木上作房，一在人家作窠，檻收養之，蜜皆濃厚，味美，近世宣州有黃連蜜，色黃，味小苦，王日熱雍洛間有梨花蜜，白如凝脂，毫州太清宮有檜花蜜，色小赤，柘城縣有何首烏蜜，色更赤，並蜂采其花，作之各隨花性，之溫涼也。宗奭曰：山蜜多在石中，木上有經一二年者，氣味醇厚，人家者一歲二取，氣味不足，故不及且久，收易酸也。時珍曰：陳藏器所謂靈雀者，鳥也，一名蜜

母黑色正月則至巖石間尋求安處群蜂隨之也南方有之

修治

數曰凡煉蜜一斤只得十二兩半是數若火少火過並用不得時珍曰凡煉沙蜜每斤入

水四兩銀石器內以桑柴火慢煉掠去浮沫至滴不成珠不散乃用謂之水火煉法又法以器盛置

重湯中煮一日候滴水不散取用亦佳且不傷火也

氣味

甘平無毒別錄曰微温穎曰諸蜜氣味當以花為主冬夏為上秋次之春則易

變而酸閩廣蜜極熱以南方少霜雪諸花多繁也川蜜温西蜜則凉矣劉完素曰蜜成於蜂蜂寒而

蜜温同質異性也時珍曰蜂蜜生凉熟温不冷不燥得中和之氣故十二臟腑之病固不宜之但多

食亦生温熱蟲蠶小兒尤當戒之王充論衡云蜂蠶稟太陽火氣而生故毒在尾蜜為蜂液食多則

令人毒不可不知煉過則無毒矣宗奭曰蜜雖無毒多食亦生諸風也朱震亨曰蜜喜入脾西北高

燥故人食之有益東南卑濕多食則害也於脾也

思邈曰七月勿食生蜜令人暴下霍亂青赤酸者食之心煩不可與生葱蒜荳同食令人利下食蜜飽後不可食鮓令人暴亡

主治心腹邪氣諸癆瘵安五臟諸不足益氣補

中止痛解毒除衆病和百藥久服強志輕身不饑

不老延年神仙本經養脾氣除心煩飲食不下止腸

澀肌中痰痛口瘡明耳目別錄牙齒疳蠱唇口瘡目

膚赤障殺蟲藏器治卒心痛及赤白痢水作蜜漿頓

服一椀止或以薑汁同蜜各一合水和頓服常服

面如花紅甄權治心腹血刺痛及赤白痢同生地黃

汁各一匙服即下孟詵同薤白搗塗湯火傷即時痛

止宗奭○肘後用白蜜和營衛潤臟腑通二焦調

脾胃時珍

發明弘景曰石蜜道家九餌莫不須之仙方亦單服食云至長生不老也時珍曰蜂采無毒之花釀以大便而成蜜所謂臭腐生神奇也其入藥之功有五清熱也補中也解毒也潤燥也止痛也

生則性涼故能清熱熱則性溫故能補中其而和平故能解毒柔而濡澤故能潤燥緩可以去急故能止心腹肌肉瘡瘍之痛和可以致中故能調和百藥而與甘草同功張仲景治陽明結燥大便不通蜜煎導法誠千古神方也說曰但凡覺有熱四肢不和即服蜜漿一椀甚良又點目中熱膜以家養白蜜為上木蜜次之崖蜜更次之也與薑汁熬煉治癩其效

附方 舊十三新六 大便不通張仲景傷寒論云陽明病津液內竭也蜜煎導之用蜜二合銅器中微火煎之候凝如飴狀至可丸乘熱捻作挺金頭銳大如指長一寸半許候冷即硬納便道中少頃即噫不下通也○一法加皂角細辛為末少許尤速 噫不下取崖蜜含微微 產後口渴用煉過蜜不計多少熟水調服即止 產後口渴廣利方 難產橫生蜂蜜真麻油各半椀煎減半服立下 天行虜瘡比

有病天行斑瘡頭面及身須臾周匝狀如火瘡皆戴白漿隨決隨生不即療數日必死瘡後瘡癩擊色一歲方滅此惡毒之氣世人云建武中南陽擊虜所得仍呼為虜瘡諸醫參詳療之取好蜜通摩瘡上以蜜煎升麻瘡疹作癢 難忍抓成瘡及疱欲數七拭之肘後 痘疹作癢難忍 癩癧瘡癢蜜

等石蜜不拘多少湯和時時以翎刷癩癧瘡癢 蜜

乏其瘡易落自無癩痕○全幼心

不拘多少，好酒調下，有效。**五色丹毒**，蜜和乾薑末，口中生瘡，浸

大青葉含之。**陰頭生瘡**，以蜜煎甘草塗外臺。**肛門生瘡**

肛門主肺，肺熱即肛塞腫縮生瘡。白蜜一斤，猪膽汁一枚，相和微火煎，令可丸，九三寸長，作挺塗油。

須臾通泄，不令後重。**熱油燒痛**，以白蜜塗之。**疔腫惡毒**

用生蜜與隔年葱研膏，先刺破塗之，如人行五里許，則疔出，後以熱醋湯洗去。濟急仙方。

瘋癩瘡，取白蜜一斤，生薑二斤，搗取汁，先秤銅鐺兩，即下蜜於鐺中，微火煎，令薑汁盡，秤蜜斤兩在，即藥已成矣。患三十年癩者，平日服蜜許大一丸，一日三服，溫酒下，忌生冷醋滑臭物。

功用甚多，不能一一具之。食療方。

面上黥點，取白蜜和茯苓末塗之。七日生珠管，以

蜜塗目，仰卧半日，乃可洗之。日一次，附後方。

誤吞銅錢，煉蜜服二升，可

諸魚骨鯁，以好蜜稍稍服。

白蜜塗毛孔中，即生黑髮，不生取梧

桐子搗外塗上，必生黑者。梅師方。

蜜蠟本經上品。

釋名，弘景曰：生於蜜中，故謂蜜蠟。時珍曰：蠟猶鬚也。蜂造蜜，而皆成鬚也。

集解，別錄曰：蠟生武都山谷，蜜廬木石間。弘景曰：人更煮煉，或加醋酒，便黃赤，以作褐色為好。今

醫家皆用白蠟，但取削之於夏月，暴百日許，自然

白也。卒用之，煇內水中，十餘遍，亦白。宗奭曰：新蠟

色白，隨久則黃。白蠟乃蠟之精英者也。時珍曰：蠟

乃蜜脾底也。取蜜後，煉極淨，色白者為白蠟，非新則

黃者，俗名黃蠟。煎煉極淨，色白者為白蠟，非新則

白而久則黃也與今時所用蟲造白蠟不同

氣味甘微温無毒之才曰惡

主治蜜蠟王下痢膿血補中續絕傷金瘡益氣不

錢耐老本經權曰和松脂杏仁棗肉茯苓等分合

多食蠟以度飢但令

白蠟療人洩瀉後重見白膿補絕傷利小兒父服

輕身不饑錄孕婦胎動下血不絕欲死以鷄子大

煎三五沸投美酒半升服立瘥又至白髮鑷去消

蠟點孔中即生黑者權

發明

時珍曰蜜成於蜂而萬物之至味莫其於蜜莫淡於蜂得非厚於此必薄於彼耶蜜之氣味俱厚屬平陰也故養脾蠟之氣味俱薄屬平秋也故養胃厚者味甘而性緩質柔故潤臟腑薄者味淡而性奢質堅故止洩痢張仲景治痢有調氣飲千金方治痢有膠蠟湯其效甚捷蓋有見於此歟又華佗治老少下痢食入即吐用白蠟方寸七鷄子黃一箇石蜜苦酒髮灰黃連末各半鷄子殼先煎蜜蠟苦酒鷄子四味令勻乃納連髮熬至可丸乃止二日服盡神效無比也此方用之屢經效驗乃知本經王下痢膿血之言深當膺服也

附方

舊十八新十五仲景調氣飲治赤白痢小腹痛不可忍下重或面青手足俱

變者用黃蠟三錢阿膠三錢同溶化入黃連末五錢攪勻分三次熱服神妙金匱

千金膠蠟湯治熱痢及婦人產後下痢用蠟一匙子大阿膠二錢當歸二錢半黃連三

本草綱目卷之三十六

錢黃蘗一錢陳廩米半升水三鍾煮米至一升去米入藥煎至一鍾溫服神效千金方急心

疼痛用黃蠟燈上燒化九夫子大肺虛咳嗽立效

肺虛隔熱咳嗽氣急煩滿咽乾燥渴飲冷水體倦肌瘦發熱減食喉音嘶不出黃蠟溶濾合淨漿

水煮過八兩再化作一百二十九以蛤粉四兩為衣養藥每服一九胡桃半箇細嚼溫水下即閉

口不語日二肝虛雀目黃蠟不拘多少溶汁取出

○普濟方子切下二錢以猪肝二兩批開摻藥在內麻繩扎

定水一碗同入銚子內煮熟取出乘熱蒸眼至溫并肝食之日二以平安為

度其效如神集驗方頭瘋掣疼思退傳方用

蛤二斤鹽半斤相和於磁羅中溶令相久捏作一塊整勢可合腦大小空頭至額其痛立止也經

方脚上轉筋劉禹錫續傳信方用蠟半斤銷之塗

須當脚心便着襪暴之冷暴風身冷暴風通身水

即易仍貼兩手心圖經暴風身冷暴風通身水

用上方法隨所患大小風毒驚悸同上破傷風濕

潤狹攤貼并裹手足一塊藥酒化開服立法代指疼痛

效與玉真散對用尤妙瑞竹堂方松膠相和火炙籠脚上凍瘡

指即瘡千金翼脚上凍瘡濃煎黃蠟塗姚和衆狐尿刺

人腫痛用熱蠟着瘡并烟熏大咬瘡發以蠟炙溶

葛氏蛇毒螫傷以竹筒合瘡上塗蠟湯火傷瘡

方疼痛毒腐成膿用此按熱毒止夜痛斂瘡口用麻

油四兩當歸一兩煎焦去滓入黃蠟一兩攪化放

冷攤帛貼之神腫脰爛瘡用桃柳槐椿棘五枝同

效黃蠟攤油紙上隨瘡大小貼十層以氣拈定三

日一洗除去一層不用一月痊愈醫林集要女

娠胎漏 黃蠟一兩老酒一椀 嘔逆不止 黃蠟燒烟

即止 醫 霍亂吐利 化服即止 肘後方 諸般瘡

毒 丹半兩同作開 瘡用黃蠟一兩香油二兩黃

蜜峰 本經上品

釋名 蠟蜂 綱目 蠶 禮範故謂之蠶 禮記云范則冠而

有君臣之禮是矣 蟬有綏化書云蜂

集解 別錄曰蜂子生武都山谷 頌曰今處處有之

人取頭足未成者油炒食之 時珍曰蜂子即蜜蜂

子未成時白蠟也 禮記有雀鴉蝸范皆以供食則

自古食之矣 其蜂有三種 一種在林木或土穴中

作房為野蜂 一種人家以器收養者為家蜂 並小

而微黃 蜜皆濃美 一種在山巖高峻處作房 即石

蜜也 其蜂黑色 似牛 蜜三者皆羣居 有王王大於

衆蜂而色青蒼 皆一日兩衙 應潮上下 凡蜂之雄

者尾銳 雌者尾岐 相交則黃退 嗅化則以鬚代鼻

采花 則以股抱之 按王元之蜂記云蜂王無毒 窠

之始營 必造一臺 大如莖 李王居臺上 生子於中

王之子 盡復為王 歲分其族 而去其分也 或鋪如

扇或圓 如壘 擁其王 而去王之所在 蜂不敢螫 若

失其王 則衆潰而死 其釀蜜如脾 謂之蜜脾 凡取

其蜜 不可多 多則蜂飢而不蕃 又不可少 少則蜂

情而不作 嗚呼王之無毒 似君德也 營巢如臺 似

建國也 子復為王 似分定也 擁王而行 似衛王也

王所不螫 似遵法也 王失則潰 守義節也 取惟得

中似什一 而稅也 山人貪其利 恐其分而刺其子

蜂子 氣味甘平 微寒 無毒

大明曰涼有毒 食之者 須以冬瓜苦蕒生姜紫

蘇制其毒之才曰畏黃
芩芍藥牡蠣白前

主治頭風除蠱毒補虛羸傷中久服令人光澤好

顏色不老本經曰酒輕身益氣治心腹痛

面目黃大人小兒腹中五蟲從口吐出者別錄主丹

毒風癰腹內留熱利大小便澀去淨血下乳汁婦

人帶下病藏器大風癰疾時珍

發明時珍曰蜂子古人以充饌品故本經別錄著其功效而聖濟總錄治大風疾兼用諸蜂子蓋亦足陽明太陰之藥也

附方一新大瘋癰疾鬚眉墮落皮肉已爛成瘡者用蜜蜂子胡蜂子黃蜂子並炒各

一分白花蛇烏虵並酒浸去皮骨炙乾全蝎去土炒白薑蠶炒各一兩地龍去土炒半兩螫虎全者炒赤足蜈蚣全者炒各十五枚丹砂一兩雄黃醋熬一分龍腦半錢右為末每服一錢七溫蜜湯調下日三五服

土蜂別錄

校正舊與蜜蜂子同條今分出

釋名蜚零本經螻蜂音蟬馬蜂頌曰郭璞註爾雅云今江東呼大蜂在地

中作房者為土蜂即馬蜂也荆巴間呼為螻蜂

集解別錄曰土蜂生武都山谷藏器曰土蜂穴居亦大而白頌曰土蜂子江東人亦啖之又有木蜂似土蜂人亦食其子然則蜜蜂土蜂木蜂黃蜂子俱可食大抵蜂類同科其性效不相遠矣

科其性效不相遠矣

蜂主治燒末油和傳蜘蛛咬瘡藏器曰此物能食

蜂子氣味甘平有毒大明曰同蜜蜂

主治癰腫經本噎痛別錄利大小便治婦人帶下華功

同蜜蜂子器藏酒浸傳面令人悅白時珍

附方一新面黑令白土蜂子未成頭翅者炒食

房主治癰腫不消為末醋調塗之乾更易之不入

服食性藥療丁腫瘡毒時珍

附方一新疔腫瘡毒已篤者二服即愈輕者一服立

泥固濟煨存性為末每服一錢空心好酒下少頃

大黃蜂別錄

校正舊與蜜蜂同

ヤ六八十

釋名黑色者名胡蜂廣雅壺蜂方瓠瓢蜂音鈞玄瓠

蜂時珍曰凡物黑色者謂之胡其壺瓢瓠瓢皆象

矣大黃蜂色黃瓠瓢蜂色黑乃一類二種也陶說

為是蘇頌以為一種非矣然蜂蛹蜂房功用則一

故不必分條

集解弘景曰大黃蜂子乃人家屋上者及瓠瓢蜂

間即瓠瓢蜂之子也嶺南人取其子作饌食之其

蜂兒山林間大蜂結房大者如巨鐘其房數百層

土人采時着草衣蔽身以捍其毒螫復以烟火熏

去蜂母乃敢攀緣崖木斷其蒂一房蜂兒五六斗

至一石棟狀如蠶蛹瑩白者以鹽炒暴乾寄入京

本草綱目卷之二十九

洛以爲方物然房中蜂兒三分之一翅足已成則不堪用據此則木上作房蓋瓢瓢之類然今宣城蜂子乃極地取之似土蜂也郭璞註爾雅云土蜂乃大蜂在地中作房木蜂似土蜂而小江東人並食其子然則二蜂皆可食久矣大抵性味亦不相遠也

蜂子 氣味甘涼有小毒 大明曰見

主治 心腹脹滿痛乾嘔輕身益氣 錄別治雀卵斑面

炮餘功同 蜜蜂子 時珍

附方 新雀斑面炮 七月七日取露蜂子於漆枕中水酒浸過慮汁調胡粉傅之

普濟方

露蜂房 本經中品

百六十八

釋名 蜂腸 本經 蜂勛 與 百穿 並別 紫金沙

集解 別錄曰露蜂房生於荆荆山谷七月七日采陰乾弘景曰此蜂房多在荆荆木中及地中今曰

露蜂房當用介家屋間及樹枝間苞裹者乃遠舉其蜂黃黑色長寸許螿馬牛及人乃至欲死非个家屋下小小蜂房也韓保昇曰此樹上大黃蜂窠也所在皆有大有如甕小者如桶十一二月采之宗廣曰露蜂房有二種一種小如蜜脾下垂一邊多在叢木寸至一尺潤二三寸如蜜脾一種多在木上或屋深林之中謂之牛舌蜂一種多在木上或屋之下外面圍如三四斗許或一二斗中有窠如瓢狀由此得名如瓢蜂其色赤黃大於諸蜂今人皆兼用之穀曰蜂房有四件一名草蜂窠大者一二丈圍在樹上內窠小隔六百二十六箇大者至一千二百四十箇其裹粘木蒂是七姑木汁其蓋是牛糞沫其隔是葉莖也二名石蜂窠只在个家屋

上大小如拳色蒼黑內有青色蜂二十一箇或只十四箇其蓋是石若其粘處是七姑木汁其隔是竹蛭也三名獨蜂窠大小如鷲卵大皮厚蒼黃色是小蜂并蜂翅盛向裏只有一箇蜂大如小石燕子許入馬被螫着立亡也四名是草蜂窠也入藥以葦蜂窠為勝時珍曰葦蜂乃山中黃蜂也其房有重重如樓臺者石蜂草蜂尋常所見蜂也獨蜂俗名七里蜂者是矣其毒最猛

修治

數日凡使葦蜂窠先以鴉豆枕了晒乾用大明曰入藥並灸

氣味

甘平有毒別錄曰鹹○之才曰惡乾

主治

驚癇瘈瘲寒熱邪氣癩疾鬼精蠱毒腸痔火

發之良

本經療蜂毒毒腫合亂髮蛇皮燒灰以酒日

服二方寸匕治惡疽附骨癰根在臟腑歷節腫出

丁腫惡脉諸毒皆瘥別錄上氣赤白痢遺尿失禁

燒灰酒服主陰痿水煑洗狐尿刺瘡服汁下乳石

毒蘇恭煎水洗熱病後毒氣衝目炙研和豬脂塗瘰

癧成癭蘇頌煎水漱牙齒止風蟲疼痛又洗乳癰蜂

疔惡瘡大明

發明

時珍曰露蜂房陽明藥也外科齒科及他病

附方

新舊十五小兒卒癇大蜂房一枚水三升煮濃

方金臍風濕腫久不瘥者蜂房燒末手足風痺黃蜂窠大

者一箇小者三四箇燒灰獨頭蒜一盞百草霜一錢半同搗傳上一時取下埋在陰處忌生冷葷腥

○乾坤 **風氣瘙痒** 及癩瘡蜂房炙蟬蛻等分爲末秘韞房煎汁入芒

風蟄牙腫 連及顏面用露蜂房稍傳之日五次

風蟲牙痛 露蜂房煎醋熱漱之

許調醫漱之

孔內燒過研末擦之溫湯漱去或取一規咬之秘方也○普濟方用露蜂房一箇乳香三塊煎水救

之○又同細辛煎水救之○又露蜂房全蠍同研擦之○聖惠用蜂房蒂綿包咬之效

喉痺 腫痛 露蜂房灰白薑薑等分爲末每乳香湯服半錢○食醫心鏡用蜂房燒灰每以錢吹入

喉內不拘 **重舌腫痛** 蜂房炙研酒和傳之 **舌上出血** 大人小兒

竅如針孔用紫金沙即露蜂房頂上實處一兩貝母四錢盧會三錢爲末蜜和丸雷丸大每用

一丸水一小盞煎至五分溫服吐血溫酒調服 雲臺方 **吐血衄血** 上方同

崩中 漏下 五色使人無子蜂房末三指撮者蜂房燒末飲服五張傑母子秘錄 **小兒咳嗽** 蜂房二兩洗淨燒分張傑母子秘錄 **小兒下痢** 白勝金 **二便不通** 蜂房燒末酒服二三錢日三服陰

痰不興 蜂窠燒研新汲井水服二陰寒痿弱 蜂房傳陰上即熱 **陰毒腹痛** 露蜂房三錢燒存性葱白起千金方 **寸白蛇蟲** 蜂窠燒存性酒服一匙着手中握陰臥之汗出即愈

乳石熱毒 瘰癧頭痛口乾便澀赤少者用蜂房煮汁五合服乳石末從小便中下大效

圖經云用十二分灸以 **藥毒上攻** 如聖散用蜂房水三升煮八合分服 甘草等分炒

本草綱目

卷之三十九

廿六

黃色去殼為末水二盞煎八分臨
鼻外瘡瘤膿水

蜂房炙研酒服方寸頭上瘡癬蜂房研末臘猪脂
七日三服肘後方

軟癰頻作露蜂房二枚燒存性以巴豆二十一粒
煎清油二三沸去豆用油調傳甚效

唐氏得女人妬乳乳癰汁不出內結成腫各妬乳
效方用蜂房燒灰研每服二錢水

小盞煎六分去渣風瘦不合露蜂房一枝炙黃研
溫服濟衆方未每以二錢臘猪脂

和塗下部漏痔大露蜂房燒存性研搽之乾則
肘後方以真菜子油調唐氏經驗方

蜂螫腫疼蜂房為末猪羔和傳
或煎水洗于金方

竹蜂拾

釋名留師郭璞作
留師

集解藏器曰方言云竹蜂留師也蜂如小指大正
黑色嚙竹而窠蜜如稠糖酸甜好食時珍曰

六占云竹蜜蜂出蜀中于野竹上結窠紺色大如
鷄子長寸許有蒂窠有蜜其倍常蜜即此也按

人家一種黑蜂大如指頭能穴竹木而居腹中有
蜜小兒撲殺取食亦此類也又杜陽編言外國鸞

蜂大十餘片其蜜碧色服之成仙此亦不經之言
未足深信又有刺蜜木蜜生草木上俱見果部本

條木蜜
即枳椇

留師蜜氣味甘酸寒無毒

主治牙齒蠱痛及口瘡並含之良藏

赤翅蜂拾

集解藏器曰出嶺南狀如土蜂翅赤頭黑大如螳
蟹穿土為窠食蜘蛛蜘蛛遙知蜂來皆狼狽

藏隱蜂以預知其處食之無遺時珍曰此毒蜂穿
王作窠者一種獨蜂作窠於木亦此類也其窠大
如鷲卵皮厚蒼黃色只有一箇蜂出如小石燕子
人馬被螫立亡也又一種絡蜂出巴中在囊鼻蛇
穴內其毒倍常中人手足輒斷中心胸即把刺非
方藥可療惟禁術可制故元稹詩云巴蛇蟠窟穴
穴下有巢蜂近樹禽垂翅依原獸絕蹤微遭斷手
足厚毒破心胸昔甚招魂句那知眼自逢此蜂之
毒如此附見于此養生遠害者不可不知

主治有毒瘡蜘蛛咬及疔腫疽病燒黑和油塗之
或取蜂窠土以酢和塗之蜘蛛咬處當得絲出

獨脚蜂

集解藏器曰出嶺南似小蜂黑色一足連樹根不
得飛不能動搖五月采之又有獨脚蟻亦連

樹根不能動搖功用與蜂同時珍曰嶺南有樹小
兒樹蚨蝶及此蜂蟻皆生於樹是亦氣化乃無情
而生有情也西陽雜俎云嶺南毒菌夜有光經雨
則腐化為巨蜂黑色其冢在鋸長三分齒入其毒
物類之變化不一有如此

主治疔腫癰疽燒研和油塗之

蠮螋

音噎翁

釋名土蜂別錄細腰蜂莊螺贏詩蒲蘆爾雅弘景曰

名土蜂不就土中作窟謂捷王作
房爾時珍曰蠮螋象其声也

集解別錄曰蠮螋生熊耳川谷及群柯或人屋間
及器物邊作房如竹管者是也其生子如粟米

大置中乃捕取草上青蜘蛛十餘枚滿中仍塞口

以待其子大為糧也其一種入蘆管中者亦取草
上青虫詩云螟蛉有子果蠃負之言細腰之物无
雖皆取青虫教祝便變成已子斯為繆矣造詩者
未審而夫子何為因其僻耶豈聖人有缺多皆類
此韓保昇曰按詩疏云螟蛉桑虫也果蠃蒲蘆也
言蒲蘆負桑虫以成其子也亦負他虫封之數日
則成蜂飛去今有久候其封穴壞而看之見有卵
如粟在死虫之上果如陶說蓋詩人知其大而不知
知其細也此蜂所在有之隨處作
窠或隻或雙不拘土石竹木間也

正誤

季含光曰視變成子近有數見者非虛言也
頌曰詩言螟蛉有子果蠃負之楊雄方言亦

云螟蛉之子殪而逢果蠃祝之曰類我類我久之
變為蜂陶氏蜀本皆以為生子如粟捕諸虫為糧
段成式亦云書齋多蠶翳窠祝声可聽開而視之
悉是小蜘蛛以泥隔之乃知不獨負桑虫也數說
不同然物類變化固不可度昨蟬生於轉丸衣魚
生於瓜子之類非一桑虫蜘蛛之變為蜂不為異

也如陶所說卵如粟者未必非祝虫而成之也宋
齊丘所謂蠶翳之虫孕螟蛉之子傳其情交其精
溷其氣和其神隨物大小俱得其真蠢動無定情
萬物無定形斯言得之矣○宗奭曰諸家之說終
不敢捨詩之義嘗折窠視之果有子如粟米大色
白而微黃所負青菜虫却在子下不與虫相着陶
說近之時珍曰蠶翳之說各異今通攷諸說并視
驗其卵及蜂之雙雙伴來必是雌雄當以陶氏電
氏之說為正李氏蕪氏之說為誤按解頤新語云
果蠃自有卵如粟寄在虫身其虫不死不生久則
漸枯子大食之而出正如蠅卵寄附於蚕身久則
卵化穴繭而出也列子言純雉無雌其名稱蜂莊
子言細腰者化則自古已失之矣羅願爾雅翼云
陶說實當物理但以此疑聖人則不知詩之本旨
矣詩云螟蛉有子果蠃負之教誨爾子式穀似之
蓋言國君之民為他人所取爾說者不知似字乃
似續之似誤以為如似之似遂附會其說爾猶云
鳴鵲鳴鵲既取我子亦可謂鵲以衆鳥為子乎

屢破其房見子與他虫同處或子已去而虫存空殼或虫成蛹而子尚小蓋虫終不壞至其成蛹子乃食之而出也近時王浚川著雅述亦云年年驗之皆如陶氏之說焉

氣味辛平無毒

大明曰有毒入藥炒用

主治久聾欬逆毒氣出刺出汗

本經療鼻窒別治嘔

逆生研能晉竹木刺

大明曰嘔嘔書云五月五日取蟻蟪陰乾為未用兵死人

血丸置衣領中云令人畏伏

土蜂窠

見土部

附錄雄黃蟲

別錄有名未用曰明目辟兵不祥益氣力狀如蟻蟪

蟲白蠟

會編

集解

機曰虫白蠟與蜜蟪之白者不白乃小虫所

樹枝入請虫屎着樹而然非也至秋刮取以水煮溶濾置冷水中則凝聚成塊矣碎之文理如白石膏而瑩徹入以和油澆獨大勝蜜蟪也時珍曰唐宋以前澆獨入藥所用白蠟皆蜜蟪也此虫白蠟則自元以來人始知之今則為日用物矣四川廣滇南閩嶺吳越東南諸郡皆有之以川滇衡永產者為勝蠟樹枝葉狀類冬青四時不凋五月開白花成叢結實纍纍大如蔓荆子生青熟紫冬青樹子則紅色也其中大如虬虱荳種後則延緣時枝食汁吐涎粘於嫩莖化為白脂乃結成蠟狀如疑霜處暑後則剥取謂之蠟渣若過白露即粘任難刮矣其渣煉化濾淨或甑中蒸化灑下器中待凝成塊即為蠟也其虫嫩時白色作蠟及老則赤黑色乃結苞於樹枝初若黍米大入春漸長大如鷄頭子紫赤色纍纍抱枝宛若樹之結實也蓋蟲將遺卵作房正如雀窠標峭之類爾俗呼為蠟種

亦曰蠟子子內皆白如細蛇一包數百次年辛
夏日摘下以箬葉包之分繫各樹種後苞折即
化虫乃涎出葉底復上樹作蠟也樹下夏潔淨防
蟻食其虫又有水蠟樹葉微似榆亦可放虫生蠟
可產蠟

氣味甘温無毒

主治生肌止血定痛補虛續筋接骨震入丸散服

殺瘰蟲時珍

發明震亨曰白蠟屬金稟受收斂堅強之氣為外科要藥與合歡皮同入長肌肉膏中用之神效但未試其可服否也時珍曰蠟樹葉亦治瘡腫故白蠟為外科要藥正如桑螵蛸與桑木之氣相通也

附方新頭上禿瘡蠟燭類塗之令髮生髮

蠟燭類塗之令髮生髮

紫鈿音礦○唐本草

校正原與麒麟竭同條今自本部分入此

釋名赤膠藕紫梗

時珍曰鈿與礦同此物色紫狀如礦石破開乃紅故名今南番

連枝折取謂之紫梗是矣

集解

恭曰紫鈿紫色如膠作赤麋皮及寶鈿用為假色亦以膠寶物云蟻於海畔樹藤皮中為

乏紫鈿樹名渴真麒麟竭樹名渴留正如蜂造窠也研取用之吳錄所謂赤膠是也
南曰廣州記云紫鈿生南海山谷其樹紫赤色是木中津液結成可作胡臘脂餘澤則王作家用之麒麟竭乃紫鈿樹之脂也
志曰按別本註言紫鈿麒麟竭二物同條功效全別紫鈿色赤而黑其葉大如盤鈿從葉上出麒麟竭色黃而赤從木中出如松脂也
頌曰按段成式酉陽雜俎云紫鈿樹出真蠟國彼人呼

為勒佐亦出波斯國木高丈許枝葉鬱茂葉似樟
抽經冬不凋三月開花白色不結子天有霧露及
雨沾濡其枝條即出紫蚶波斯使者所說如此而
真臘使者言是蟻運土上於樹端作窠蟻窠得用
露凝結而成紫蚶崑崙出者善波斯次之又交州
地志亦云本州歲貢紫蚶出於蟻窠乃知與血竭
俱出於木而非一物明矣今醫家亦罕用惟染家
須之宗奭曰紫蚶狀如糖霜結於細枝上累累然
紫黑色研破則紅今人用造綿裱枝邇來亦難得
時珍曰紫蚶出南番乃細虫如蟻風緣樹枝造成
正如今之冬青樹上小虫造白蠟一服故人多捕
枝造之今吳人用造胭脂按張勅吳錄云九真瑤
風縣有土赤色如膠人視土知其有蟻因墾發以
木枝插其上則蟻緣而上生漆凝結如螻蛄蟻
子之狀入折漆以染紫物其色正赤謂之蟻漆赤
絮此即紫蚶也血竭乃其樹之脂膏別見木部

氣味甘鹹平有小毒無毒

主治五臟邪氣金瘡帶下破積血生肌止痛與騏

驎竭大同小異蕪濕痒瘡疥宜入膏用璠益陽精

去陰滯氣太清伏鍊法

附方新齒縫出血紫礦乳香麝香白礬等分為末產

後血運任言失志用紫蚶一兩為末經水不止日

黃瘦紫礦末每服二錢空心

五倍子開寶校正自木部移入此

釋名文蛤開寶百蟲倉拾遺法釀過名百藥煎時珍曰

亦同名百蟲倉會意也百藥煎名也

本草綱目卷之二十一

集解

志曰五倍子在處有之其子色青大者如拳而內多蟲頌曰以蜀中者為勝生於層木葉上七月結實無花其木青黃色其實青至熟而黃九月采子曝乾藥家用之時珍曰五倍子宋開寶本草收入草部嘉祐本草移入木部雖知生於層木之上而不知其乃蟲所造也層木即鹽膚子木也詳見果部鹽膚子下此木生叢林處者五六月有小蟲如蟻食其汁老則遺種結小毬於葉間正如站蠍之作雀甕蠟虫之作蠟子也初起甚小漸漸長堅其大如拳或小如菱形狀圓長不等初時青綠久則細黃綴於枝葉宛若結成其殼堅脆其中空虛有細虫如蠍蟻山人霜降前採取蒸殺貨之否則虫必穿壞而殼薄且腐矣皮工造為百藥煎以染木色大為時用他樹亦有此虫毬不入藥用木性殊也

氣味酸平無毒

主治齒宣疔蠱肺臟風毒流溢皮膚疥癬濕癬瘡

瘡膿水五痔下血不止小兒面鼻疥瘡開寶腸虛泄

痢為未熟湯服之藏器生津液消酒毒治中蠱毒毒

藥華日口瘡搽之便可飲食宗奭斂肺降火化痰飲止

欬嗽消渴盜汗嘔吐失血久痢黃病心腹痛小兒

夜啼烏鬚髮治眼赤濕爛消腫毒喉痺斂潰瘡金

瘡收脫肛子腸墜下時珍

發明

震亨曰五倍子屬金與水陰之善收頑痰解熱毒佐他藥尤良黃昏欬嗽乃水氣浮入肺中不宜用涼藥宜五倍五味斂而降之時珍曰鹽

麩子及木葉皆酸鹹寒涼能除痰飲咳嗽生津止

渴解熱毒酒毒治喉痺下血血痢諸病五倍子乃
蟲食其津液結成者故所辛治與之同功其味酸
鹹能斂肺止血化痰止咳能除泄痢濕爛

附方 六十九 新虛勞遺濁 王鎖丹治腎經虛損心氣
游有餘瀝小便白濁如膏夢中頻遺骨節拘痛面
黧肌瘦盜汗虛煩食減乏力此方性溫不熱極有
神效 用五倍子一斤白伏苓四兩龍骨二兩為末
水糊丸梧子大每服七十丸食前用鹽湯送下日
三服

和劑方 **寐中盜汗** 五倍子末蕎麥麩等分水作
箇勿飲茶水 **自汗盜汗** 常出為自汗睡中出為盜
甚妙 集靈 **自汗盜汗** 汗用五倍子研末津調填
臍中縛定一夜 **心疼腹痛** 錢鈔杓內炒起烟黑色
即止也 同上 **消渴飲水** 五倍子
者為度以好酒一鍾傾入杓內

服方寸七日三 **小兒嘔吐** 不定用五倍子二箇
煨過同研為末每服半錢 **小兒夜啼** 五倍子末津
米泔調下立瘥 經珍方 **小兒夜啼** 調填於臍內

簡便方 **暑月水泄** 五倍子末飯丸黃豆大每服二
余居士 **熱瀉下痢** 五倍子一兩枯礬五錢為末糊
選奇方 **熱瀉下痢** 九梧子大每服五十九米湯送
下 鄧筆 **瀉痢不止** 五倍子一兩半生半燒為末
峯雜與方 **瀉痢不止** 糊丸梧子大每服三十九紅
痢燒酒下白痢水酒下水泄米湯下

○集靈用五倍子末每米飲服一錢 **滑痢不止** 五
倍子醋炒七次 **脾泄久痢** 五倍子炒半斤倉米炒
為末米湯送下 **赤痢不止** 蛤
各三錢花椒五錢為末每服一錢蜜

湯下日二服忌生冷魚肉 ○集靈方 **赤痢不止** 蛤
炒研末水浸烏梅肉和丸梧 **腸風下血** 五倍子白
子大每服七十九烏梅湯下

為未順流水九梧子大每服臟毒下血五倍子不

七九米飲下忌酒本事方填藥令滿八瓶內為

未大鯽魚一枚去腸胃鱗膜填藥令滿八瓶內為

煨存性為未每服一錢溫酒下王璆百一選方糞

後下血不拘大人小兒五倍子末腸風臟毒下血

艾湯服二錢全幼心鑑腸風臟毒下血

五倍子半生半燒為末陳米飯和丸如梧子大酒

每服二十九食前粥飲送下日三服○聖惠方酒

痢腸風下血見小兒下血腸風臟毒五倍子末煉

二十九鄭氏大腸痔疾五倍子煎湯薰洗或燒烟

不收三因方用五倍子末三錢入白礬一塊水一

煮極爛盛坐桶上薰之待溫以手輕托上內服參

芪升麻藥○普濟方用五倍子百草霜等分為末

醋熬成膏驚翎產後腸脫五倍子末摻之或以五

撮傳上即入

婦人良方女人陰血因交接傷動者五倍子末摻之良

子末酒服二錢神效驅風散眼或上下臉赤爛或浮

效朱氏集驗方風毒攻眼或上下臉赤爛或浮

醫癆肉侵睛神效驅風散眼或上下臉赤爛或浮

一兩半為末服二錢水二盞銅石器內煎汁去滓

乘熱洗留滓再煎用大小便尿血搗和丸梧子大

能明目去澀博濟方小兒尿血搗和丸梧子大

每空心酒服五風眼赤爛集靈方用五倍子煨存

許傳之日三上甚良○普濟方爛弦風眼五倍子

用五倍子研末傅之名拜堂散淋洗冷眼中弩肉

堪土等分為末熱湯泡開閉目淋洗冷眼中弩肉

即再熱洗之眼不可入湯濟急方眼中弩肉

方同耳瘡腫痛五倍子末冷水調塗濕時耳出膿

普濟方用五倍子末吹之○經驗用五倍子鼻出

焙乾一兩全蠟燒存性三錢為末摻耳中

本原圖對錄

吐血 五倍子末吹之仍以末同 **牙縫出血** 五倍子

燒存性研末傳之 **牙齒動搖** 及外物傷動欲落者

即止衛生易簡方 **牙齦腫痛** 五倍子乾地龍炒等

分爲末先以薑搗過然 **牙齦腫痛** 五倍子一兩瓦

後傳之 御藥院方 **風牙腫痛** 錢黃丹花

錢傳痛處 臣時吐去涎內服 **唇緊作痛** 五倍子

去風熱藥 揚子建護命方 **唇緊作痛** 五倍子

椒各五分爲末搗之即止也 **唇緊作痛** 五倍子

五倍末冷水調塗頰外甚效 **唇緊作痛** 五倍子

分爲末傳之 **天行口瘡** 五倍子末搗之吐涎

端效方 **天行口瘡** 即愈 龐氏傷寒論 **咽中**

懸癰 舌腫塞痛五倍子末白薑菴末甘草末等分

朱氏經 **口舌生瘡** 儒門事親赴避散用五倍子蜜

驗方 **口舌生瘡** 陀僧等分爲末醬水漱過乾貼

乏院方加脫蠶發 **口舌生瘡** 澹寮方用五倍子一兩滑石

半兩黃栢蜜炙半兩爲末漱淨搽之便可飲食

白口惡瘡 狀似木耳不拘大人小兒並用五倍子

青黛等分爲末以筒吹之 **白口惡瘡** 端效方

走馬牙疳 五倍子青黛枯礬黃藥等分爲末 **牙齦**

疳臭 五倍子炒焦一兩枯礬銅青各一錢爲末 **疳**

先以米泔漱淨搽之絕效方也 **疳** 集簡方

蝕口鼻 五倍子燒存性研 **小兒口疳** 白礬裝入五

同研搽之 **下部疳瘡** 全幼心鑑用五倍子枯礬等

簡便方 **下部疳瘡** 分研末先以薑水洗過搽之

○杏林摘要用五倍子花椒去子炒各一錢細辛

焙三分爲末先以葱湯洗淨搽之一二日生肉也

陰囊濕瘡 出水不瘥用五倍子臘茶各五錢膩粉

以瘥爲度 **魚口瘡毒** 初起未成膿者用南五倍

太平聖惠方 **魚口瘡毒** 子炒黃研末入百草霜等

分以臘醋調塗于患處一 **一切諸瘡** 五倍子黃藥

日一夜即消 **一切諸瘡** 等分爲末傳

之 普 一切腫毒 五倍子炒紫黑色蜜調塗之。

濟方 五倍子大黃黃蘗等分爲末一切腫毒初起無頭者

新汲水調塗四圍日三五次一切癬瘡 五倍子去

過各等分爲末搽之 癩頭軟癬 及諸熱瘡用五倍

乾則油調 簡便方 風濕諸毒用五倍子白芷等

四兩葵至一半布絞去渣茶之三 風癩濕爛 五倍

四遍即可勿以水洗之 普濟方 津調塗之 頭瘡熱瘡

者以清油調 瘡口不收 五倍子焙研末以臘

塗衛生易簡 瘡 五倍子降真香等分炒研末傳之 金瘡出血 不

者五倍子末貼之若閉氣者以五倍子末二 杖瘡

錢入龍骨末少許湯服立效 談楚翁方 腫痛 五倍子去穢米醋浸一日慢火炒黃研末

乾搽之不破者醋調塗之 衛生易簡方 手

足皸裂 五倍子末同牛骨髓填 雞骨哽咽 五倍

摻入喉中即化 小兒脫肛 五倍子爲末先以艾紙

下入海上方 內以瓦盛之令病者坐于桶上以火點着使藥烟

燻入肛門其肛自上隨後將白礬爲末復搽肛門

其肛自緊 魚口便毒 五倍子不拘多少以淨瓦器

再不復脫 換貼之如乾即 偏墜氣痛 用五倍子一箇放食鹽

內煨存性爲末酒調服 染烏鬚髮 聖濟總錄用針

五日炒畧紅色研末五倍子百藥煎沒石子各二

兩訶黎勒皮三兩研末各包先以皂莢水洗鬚鬚

用米醋打蕎麥麩糊和針砂末傳上荷葉包過一

夜次日取去以蕎麥糊四味敷之一日洗去即黑

○杏林摘要用五倍子一斤研末銅鍋炒之勿令

成塊如有烟起即提下攪之從容上火慢炒直待

色黑為度以濕青布包扎足踏成餅收貯聽用每用時以皂角水洗淨鬚髮用五倍子一兩紅銅末酒炒一錢六分生白礬六分訶子肉四分沒石子四分硃砂一分為末烏梅酸榴皮煎湯調勻碗盛重湯煮四五沸待如飴狀以眉掠刷於鬚髮上一時洗去再上包住次日洗去以核桃油潤之半月一染甚妙

中河豚毒

五倍子白礬末等分以水調下 出事林廣記

百藥煎

修治

時珍曰用五倍子為粗末每一斤以真茶一兩煎濃汁入醪糟四兩搗爛拌和器盛置糠缸中晉之待發起如發麩狀即成矣捏作餅丸晒乾用嘉謨曰入藥者五倍子鮮者十斤春細用瓷缸盛稻草蓋會七日夜取出再搗入桔梗甘草末各二兩又會一七仍搗仍會滿七次取出捏餅晒乾用如無鮮者用又方漆水湯過細茶一兩上右乾者水漬為之

共研末入罐內封固六月要一七取開配合用

又方

五倍子一斤研末酒末右用小蓼汁調勻入鉢中按緊上以長稻草封固另用蘿一箇多着稻草將藥鉢坐草中上以稻草蓋置淨處過一七後看藥上長起長霜藥則已成矣或捏作丸或作餅晒乾總可收用

氣味酸鹹微甘無毒

主治清肺化痰定嗽解熱生津止渴收濕消酒烏

鬚髮止下血久痢脫肛牙齒宣蠱面鼻痔蝕口舌

糜爛風濕諸瘡

發明

時珍曰百藥煎功與五倍子不異但經釀造其體輕虛其性浮收且味帶餘甘治上焦心

附方 新二 欽肺劫嗽

百藥煎訶黎勒荆芥穗等分
為末薑汁入蜜和丸艾子大

時時噙之
丹溪心法 **定嗽化痰**

百藥煎片黃芩橘紅甘草各
等分共為細末蒸餅丸菘豆

大時時乾嘔數丸
佳 瀕湖醫案 **清氣化痰**

百藥煎細茶各一兩
荆芥穗五錢海螵蛸

一錢蜜丸艾子大每服
貧一丸妙 筆峯雜興 **染烏鬚髮**

川百藥煎一兩
鉞砂醋炒蕎麥

麩各半兩先洗鬚髮以荷葉
荷葉包一夜洗去即黑妙 普濟方 **沐髮除腫**

百藥煎半兩支
胡索三錢雄黃三

一夜篦之
錢為末先以薑擦去涎用此
以津洗目日日用之甚佳 普濟 **牙痛引頭**

上方同
百藥煎五倍

風熱牙痛 百藥煎泡湯禽
救 聖濟總錄 **牙齦疳蝕**

百藥煎五倍
子青鹽煨各

一錢半銅綠一錢為末日
搽二三次神效 普濟方 **煉眉瘡癬**

小兒面湮瘡
又名鍊銀瘡

乃母受胎時食酸辣邪物
錢生白礬二錢為末油調搽之
外科精義 **脚肚**

生瘡 初起如粟米大搔之
水出痒不可忍成痂疾用
百藥煎末黃

逐瘡四圍塗之自外入內
先以貫乳結硬痛 百藥

每服三錢酒一盞煎數
沸服之取效 經驗方 **腸癰內痛**

大棗連核燒存
性百藥煎等分

為末每服一錢溫酒
服日一取效直指方 **大腸便血**

百藥煎荆芥穗燒
存性等分為末糊

丸梧子大每服五十
丸米飲下 聖惠方 **腸風下血**

百藥煎二兩半生
用半炒存性為末

下名聖金丸 王璆百一
煎末每服三錢稀粥 **腸風臍毒**

下血者用百藥煎
燒存性烏梅連核

調服日三次 集簡 **酒痢下血**

百藥

燒過白芷不見火為末水糊丸
子大每服七十九丸米飲下 濟生

子大每服七十九丸米飲下

子大每服七十九丸米飲下

煎五倍子陳槐花等分焙研末酒糊丸梧子大每服五十九米飲送下本事方下痢脫

肛百藥煎一塊陳白梅三箇木瓜一握以聖濟總錄男婦血

淋用真百藥煎車前子炒黃連各三錢半木香二錢滑石一錢為末空心燈草湯服二錢日二服

普消暑止渴百藥煎蠟茶等分為末烏梅肉搗和丸莢子大每含一九名冰瓢丸

濟方
事林
廣記

五倍子內蟲主治赤眼爛弦同爐甘石末乳細點

之時

螳螂桑螵蛸本經上品

カニキリ

釋名螳螂音當刀螂綱目拒斧說文不過爾雅蝕臑音尤其

子房名螵蛸音飄蟬蛸音蟬蟪音蟪致神別錄野狐

鼻涕頌曰爾雅云莫貊蟪蟪不過螳螂也其子蟬

如斧當轍不避故得當即之名俗呼為刀螂充人

謂之拒斧又呼不過也代人謂之天馬因其首如

驥馬也燕趙之間謂之蝕臑臑即疣子小肉贅也

今人病臑者往往捕此食之其來有自矣其子房

名螵蛸者其狀輕飄如綃也村人每炙焦餉小兒

云止夜尿則轉蟪致神之名蓋取諸此西陽雜俎

謂之野狐鼻涕象形也又揚雄方言云螳螂或謂

之髡或謂之羊七齊充以東謂之數常螵蛸亦名

夷

集解弘景曰螳螂俗呼石娘逢樹便產以桑上者

為真偽者亦以膠着桑枝之上也保昇曰螵蛸在

處有之螳螂卵也多在小桑樹上叢荆棘間三四

月中一枝出小螳螂數百枚時珍曰螳螂驂首奮臂修頸大腹二手四足善緣而捷以鬚代真喜食人髮能翳葉捕蟬或云術家取翳作法可以引形深秋乳子作房粘着枝上即螺蛳也房長寸許大如拇指其內重重有隔房每房有子如蛆卵至芒種節後一齊出故月令有云仲夏螳螂生也

修治

別錄曰桑螺蛳生桑枝上螳螂子也二月三月采蒸過火炙用不用令人洩散曰凡使勿用襍樹上生者各螺蛳須覓桑樹東畔枝上者采得去核子用沸漿水浸淘七次鍋中熬乾用別作修事無效也韓保昇曰三四月采得以熟漿水浸一伏時焙乾於柳木灰中炮黃用

螳螂

主治小兒急驚風搐搦又出箭鏃生者能食

疔目

時珍曰

發明

時珍曰螳螂古方不見用者惟普濟方治驚風吹鼻定搐法中用之益亦蚕蟹定搐之義

古方風藥多用螺蛳則螳螂治風同一理也又醫林集要出箭鏃亦用之

附方

新驚風定搐中分散用螳螂一條一箇蜥蜴一條赤足蜈蚣一條各中分之隨左

右研末記定男用左女用右每以一字吹鼻內搐之吹左即左定吹右即右定也普濟

箭鏃入肉

不可拔者用螳螂一箇巴豆半箇同研連貫衆湯洗拭石灰傳之

桑螺蛳氣味鹹甘平無毒

之才曰得龍骨療洩精畏旋復花戴椹

主治傷中疝瘕陰痿益精生子女子血閉腰痛通

五淋利小便道經本

療男子虛損五臟氣微夢寐

失精遺溺久服益氣養神

別錄炮熟空心食之止小

便利甄

發明

時珍曰桑螵蛸肝腎命門藥也古方盛用之權曰男子身衰精自出及虛而小便便利者加

而用之頌曰古方漏精及風藥中多用之宗奭曰男女虛損腎衰陰痿夢中失精遺溺白濁疝瘕不可闕也隣家一男子小便日數十次如稠米泔心神恍惚瘦瘠食減得之女勞令服桑螵蛸散藥未終二劑而愈其藥安神定心志治健忘補心氣止小便數用桑螵蛸遠志龍骨菖蒲人參茯神當歸龜甲醋炙各一兩為末卧時人參湯調下二錢如無桑上者即用他樹者以炙桑白皮佐之桑白皮行水以接螵蛸就腎經也

附方

舊三遺精白濁盜汗虛勞桑螵蛸炙白龍骨等分為細末每服二錢空心

新七小便不通桑螵蛸炙黃三十枚黃芩心下鹽湯送下外臺二兩水煎分二服聖惠婦

人胞轉

小便不通用桑螵蛸為末產書婦人遺尿桑螵蛸

蛸酒炒為末薑湯服二錢千金翼妊娠遺尿為末分二服米飲下不禁桑螵蛸十二枚

產書產後遺尿或尿數桑螵蛸炙半兩龍骨一兩為末每米飲服二錢徐氏胎產

方咽喉腫塞桑上螵蛸窠一兩燒灰馬尾勃半兩研勻蜜九梧子大煎犀角湯每服三

五丸咽喉骨硬桑螵蛸醋煎底耳疼痛桑螵

總病論咽喉骨硬經驗良方小兒軟癆桑螵

箇燒存性麝香一字研末每用半字小兒軟癆調傳之危氏方

雀甕

本經下品

釋名雀兒飯甕蜀帖蜥房別錄音蚝蟲窠音躁舍

本經天漿子經圖棘剛子義衍紅姑娘綱目毛蟲藏器曰毛

如甕故名雀甕俗呼雀癰聲相近也保昇曰雀好食其甕中子故俗呼雀兒飯甕弘景曰蝘蝓背毛螫人故名蝘音刺與載同時珍曰俗呼毛蟲又名楊刺子因有螫毒也此蟲多生石榴樹上故名天漿天漿乃甜榴之名也宗奭曰多在棘枝上故曰棘剛子

集解別錄曰雀甕出漢中生樹枝間蝘蝓房也其背毛螫人生卵形如鷄子大如巴豆藏器曰蝘蝓好在果樹上大小如蠶身面背上有五色斑毛有毒能刺螫人欲老者口中吐白汁凝聚漸硬正如雀卵其蟲以甕為繭在中成蛹如蠶之在繭也夏月羽化而出作蛾放子於葉間如蠶子陶言其生卵如鷄子誤矣恭曰雀甕在樹間似蝶蛸蟲此物紫白欄斑狀似碑磬文可愛也時珍曰蝘蝓處處樹上有之牡丹上尤多入藥惟取播棘上房內

有蛹者正如蝶蛸取桑上者日華曰有毒

氣味甘平無毒日華曰有毒

主治寒熱結氣蠱毒鬼疰小兒驚癇本經頌曰

兒慢驚用天漿子有蟲者白薑蘇乾蟹三物各三枚微炒搗末煎麻黃湯調服一字日三服加減大有效也藏器曰雀甕打破取汁與小兒飲令無疾小兒病撮口者漸漸撮口撮不得飲乳但先螫口俛見血以甕研汁塗之或同鼠婦生搗塗之今人產子時凡諸物皆令開口不令閉者蓋厭穢之也

附方新撮口噤風用棘科上雀兒飯甕子未開口者取內物和乳汁研灌之又方棘剛子五枚赤足蜈蚣一條燒存性研勻飯丸麻子大每服三五丸乳汁下亦可末服一字聖惠小兒臍風白龍膏用天漿子有虫者一枚真薑蚕炒一枚臍粉少許研勻以薄荷自

然汁調灌之取下急慢驚風口眼喎斜搗搗痰盛

毒物神效聖惠用三枚乾蟄生用七枚硃砂一錢研勻飯

九粟大每服二九荆芥湯送下聖惠方乳蛾喉

痺用天漿子即紅小兒疳疾棘枝上雀窠研其間

蠶本經中品

校正拾遺烏爛蚕及繭鹵汁嘉祐蚕蛻今併為一

釋名自死者名白殭蠶時珍曰蠶從替象其頭身

蚕字者非矣蚕音腆蚯蚓之名也蠶病風死其色

自白故曰白殭死而不朽曰殭再養者曰原蠶蠶

之屎曰沙皮曰蛻蠶曰繭蠶曰蠅音龜蛾曰羅

集解時珍曰蠶子絲蟲也種類甚多有大小白烏

眠三起二十七日而老自卵出而為妙自妙蛻而

為蠶蠶而繭繭而蛹蛹而蠶而卵卵而復妙亦

有胎生者與母同老蓋神虫也南粵有三眠四眠

繭也雒由樗繭也蛻繭也繭繭也繭繭也繭繭也

食之葉命名而繭即今桑上野蠶也今之柘蠶與

繭凡諸草木皆有蛻蠶之類食葉吐絲不如蠶絲

可以衣被天下故莫得並稱凡蠶類入藥俱用食桑者

白殭蠶修治別錄曰生潁川平澤四月取自死者

養蚕時有合消皆殭者即暴燥都不壞今見小白

似有鹽度者恭曰蠶自殭死其色自白云有鹽度

誤矣頌曰所在養蠶處有之不拘早晚但用白色

而條直食桑葉者佳用時去絲綿及子炒過宗奭

曰蠶有兩三番惟頭番殭蠶最佳大而無蛆○敷

曰凡使先以糯米泔浸一日待蠶桑涎出如蝸涎

浮水上然後灑出微火焙乾以布拭淨

黃肉毛并黑口甲了搗篩如粉入藥

氣味鹹辛平無毒甄權曰微温有小毒○惡桑螵蛸桔梗伏苓伏神草薺

主治小兒驚癇夜啼去三蟲滅黑黯令人面色好

男子陰癢病本女子崩中赤白產後腹痛滅諸瘡

癩痕為末封丁腫拔根極效別錄治口噤發汗同白

魚鷹屎白等分治瘡滅痕性藥以七枚為末酒服治

中風失音并一切風症小兒客忤男子陰癢痛女

子帶下日焙研薑汁調灌治中風喉痺欲絕下喉

立愈蘇頌散風痰結核瘰癧頭風風蟲齒痛皮膚風

瘡丹毒作癢痰瘡癥結婦人乳汁不通崩中下血

小兒疳蝕鱗體一切金瘡疔腫風痔時

發明元素曰蠶性微温味微辛氣味俱薄輕浮

而升陽中之陽故能去皮膚諸風如蟲行震

亨曰蠶蠶屬火兼土與金木老得金氣蠶而不化

治喉痺者取其清化之氣從治相火散濁逆結滯

之痰也王粲曰凡咽喉腫痛及喉痺用此下咽立

愈無不效也大能救人吳升內翰云屢用得效時

珍曰蠶蠶之病風者也治風化痰散結行經所

謂因其氣相感而以意使之者也又人指甲軟薄

者用此燒烟熏之則厚亦是此義蓋厥陰

陽明之藥故又治諸血病癩病疔病也

附方舊十五一切風痰白蠶蠶七箇直者細研小

兒驚風白僵蠶蠶稍等分天雄尖附子尖各一錢

微炮為末每服一字或半錢以薑湯調灌

冠氏衍義 風痰喘嗽 夜不能卧 白僵蠶炒研好茶 未各一兩為末 每用五錢 以

時泡沸湯服 瑞竹堂方 酒後咳嗽 白僵蠶焙研末 每茶 服一錢 怪證奇方 喉風

喉痺 仁存開關散 用白僵蠶炒白礬半生半燒等 疾立效 小兒加薄荷生薑少許 同調一 方用白梅

肉和丸 繩裹含之 燕汁也 朱氏集驗用白僵蠶 煉半兩生甘草一錢為末 薑汁調服 涎出立愈

聖惠用白僵蠶三七枚乳香一分為末 每以一錢 燒烟熏入喉 急喉風痺 王氏博濟如聖散 用白僵

中涎出即愈 每服一字 薑汁調灌 涎出即愈 後以 撮口噤風 黃

生薑炙過含之 百一選方無南星 撮口噤風 黃 赤氣喘喘聲不出 由胎氣挾熱流毒心脾故令舌

強唇青聚口發禁 用直僵蠶二枚去背畧炒為末 蜜調傅唇中甚 六頭風小兒驚風 並用木蒜七箇

劫 聖惠方 先燒紅地以蒜

逐箇於地上磨成膏 却以僵蠶一兩去頭足安蒜 上柳覆一夜勿令洩氣 只取蠶研末 每用啗鼻口

內含水有效 偏正頭風 井交頭風 連兩太陽穴痛 普濟方 用白僵蠶為末 葱

茶調服方寸匕 葉椿治頭風 用白僵蠶高良 薑等分為末 每服一錢 臨卧時茶服 日二服 卒

然頭痛 白僵蠶為末 每用熟水 牙齒疼痛 白僵蠶 薑同炒 赤黃色去薑為末 普濟 風齒牙痛 白直僵蠶

皂角水調擦之即止 瘡疾不止 白僵蠶直者一 以鹽湯漱口 直指方 院方 腹內龜病 裹為丸 硃砂為衣 作一服 日未出時 面

向東用桃李枝七寸煎湯吞下 院方 腹內龜病 普濟方 詩云 人間龜病不堪言 肚裏生成硬似

磚 自死僵蠶 白馬屎 不過時刻 軟如綿 神效 面 上黑黯 搽之 聖惠方 粉滓面 黑白 僵蠶黑牽牛

白僵蠶末水和

粉滓面

黑白

僵蠶黑牽牛

細研等分爲末如燥
豆日用之 斗門方 癩瘡風瘡 疥痛白僵蠶焙研

聖野火丹毒 從背脊上兩脇起者僵蠶二七枚 小兒

鱗體 皮膚如蛇皮鱗甲之狀由氣血不潔亦曰胎

加蛇蛻 小兒久疳 體虛不食諸病後天柱骨倒

保幼大全 小兒久疳 醫者不識謂之五軟者用白

殭蠶直者炒研每服半錢薄 小兒口瘡 通白者白

荷酒下名金靈散 鄭氏方 風疳蝕瘡 同上 項上瘰癧

去黃肉毛研末蜜和傳 風疳蝕瘡 同上 項上瘰癧

之立效 小兒官氣方 風疳蝕瘡 同上 項上瘰癧

白殭蠶爲末水服五分 風疳蝕瘡 同上 項上瘰癧

日二服十日瘥 外臺 風疳蝕瘡 同上 項上瘰癧

洗剉炒黃爲末烏梅肉和丸梧桐子大一切金瘡

每薑蜜湯空心下五九 勝金方 一切金瘡

及刀斧傷白殭蠶炒黃 斗門 乳汁不通 白僵蠶末二錢

研末傳之立愈 斗門 乳汁不通 白僵蠶末二錢

麻茶一盞投之梳頭數十 崩中下血 不止用白僵

遍奶汁如泉也 經驗方 崩中下血 不止用白僵

等分爲末并華水 重舌木舌 僵蠶爲末吹之吐痰

服之日二于金 錢黃連蜜炒二錢爲末 腸風下血 僵蠶炒去

延出爲妙 陸氏積德方 腸風下血 僵蠶炒去

肉焙各一兩爲末米糊丸梧子大每服百 丸食前白湯下一日三服 筆峯雜興方

烏爛死蠶 氣味有小毒 藏器曰此在

主治 蝕瘡有根者及外野雞病並傳之白死者主

白遊癩赤死者主赤遊癩 藏器

蠶蛹 瑞曰縹絲後蛹子今人食之呼小蜂兒

思邈曰獬犬齒者終身忌食發則難免

主治 炒食治風及勞瘦研傳瘡瘡惡瘡明爲末飲

服治小兒疳瘦長肌退熱除蛇蟲煎汁飲止消渴

時珍

附方

一新消渴煩亂蠶蛹二兩以無灰酒一中盞水

惠方

繭鹵汁

藏器曰此是繭中蛹汁非鹹鹵也於繭窠下收之

主治

百蟲入肉蠹蝕瘡疥及牛馬蟲瘡為湯浴

兒瘡疥殺蟲以竹筒盛之浸山蝮山蛭入肉蚊孳

諸蟲咬毒亦可預帶一筒取一蛭入中并持乾海

苔一片亦辟諸蛭藏器

發明

藏器曰蘇恭註蛭云山人自有療法蓋此法也時珍曰山蛭見蛭條山蝮音余蜘蛛也喫

入甚毒

蠶繭

已出蛾者

氣味甘溫無毒

主治

燒灰酒服治癰腫無頭次日即破又療諸疔

瘡及下血血淋血崩煮汁飲止消渴反胃除蛇蟲

時珍

弘景曰

繭窠

入術用

發明

時珍曰蠶繭方書多用而諸家本草並不言及誠缺文也近世用治癰疽代鍼用一枚即

出一頭二枚即出二頭神效無比煮湯治消渴古方甚稱之丹溪朱氏言此物屬火有陰之用能瀉勝脫中相火引清氣上朝於口故能止渴也繅絲湯及絲綿煮汁功並相同又黃絲絹能補脰錦灰

止血並見
服器部

附方 新五痘瘡疔蝕 膿水不絕用出了蠶蛾繭以生

效 陳文 口舌生瘡 蠶繭五箇包蓬砂瓦 大小便

血 蠶黃散治腸風大小便血淋瀝疼痛用蠶黃蠶

入麝香少許每服二錢用米飲 婦人血崩 方法反

胃吐食 蠶繭十箇煮汁煎雞子三枚食之以無灰

食之 惠濟方

蠶蛻 釋名 馬明退 嘉祐佛退

氣味 甘平無毒 **主治** 血病父母婦人 嘉祐婦人血風 宗

治 目中翳障及疔瘡 時

蠶連 **主治** 吐血鼻洪腸風瀉血崩中帶下赤白痢

傳疔腫瘡 日治婦人血露 宗 牙宣牙痛牙癰牙疳

頭瘡喉痺風癩狂祟蠱毒藥毒沙證腹痛小便淋

閉婦人難產及吹乳疼痛 時

發明 禹錫曰蠶蛻今醫家多用初出蠶子殼在紙

近當以蛻皮為正入藥微炒用宗 奕曰蠶蛻當用

眠起時所蛻皮蠶連燒灰亦可 時珍曰馬明退

附方 舊四吐血不止 蠶蛻紙燒存性蜜和丸如 牙

宣牙癰及口瘡並用蠶紙風蟲牙痛蠶紙燒灰

鹽湯漱口走馬牙疳集驗用蠶紙灰入麝香少

分一切痔瘡馬明退燒灰三錢輕粉乳香少許先

小兒頭瘡蠶紙燒存性入輕粉纏喉風疾用蠶

燒存性煉蜜和丸如茨熏耳治聾蠶紙作捻入

筒燒烟熏之癩狂邪祟凡狂發欲走或自高貴稱

三次即開以蠶紙燒灰酒水任下方沙證壯熱江南有沙證

寸七亦治風癩肘後方沙證壯熱狀如傷寒頭

痛壯熱嘔惡手足指末微厥或腹痛悶亂煩更絞

入先用蠶紙剪碎安于窰中以碟蓋之液湯沃

之封固良久乘熱服中蠶藥毒吐血者服之即活

援臥取汗活人書中蠶藥毒雖面青脉絕腹脹

用蠶蛇皮燒存性為末新汲中諸藥毒用蠶紙數

水服一錢嶺南衛生方張燒灰冷

水服衛小便澀痛不通用蠶紙燒存性入麝

生易簡方氏傳熱淋如血蠶紙燒灰入麝香少許水服

不止蠶故紙一張剪碎炒焦槐子炒黃各吹奶疼

痛馬明退燒灰一錢五分輕粉五婦人難產蠶布

張蛇一條入新瓦中以鹽泥固婦人斷產蠶子

煨為末以榆白皮湯調服集成婦人斷產蠶子

一尺燒為末酒服千金痔漏下血蠶紙半張碗內燒灰

急方 綠絲湯主治止消渴大驗時

原蠶別錄

中品

釋名

晚蠶 日魏蠶 方夏蠶 廣熱蠶 弘景曰原蠶是

魏蠶也宗奭曰原者有原復敏速之義此是第二番
蠶也時珍曰按鄭玄註周禮云原再也謂再養者
郭璞註方言云魏細也秦晉人所呼今轉為二蠶
是矣永嘉記云郡蠶自三月至十月有八輩謂蠶
種為晚再養為珍珍子為愛

集解

頌曰原蠶東南州郡多養之此是重養者俗
呼為晚蠶北人不甚養之周禮禁原蠶鄭康
成註云蠶生于火而藏于秋與馬同氣物莫能兩
大禁原蠶為其害馬也然害馬亦一事耳淮南子
云原蠶一歲再收非不利也而王法禁之者為其
殘桑是也人既稀養貨者多是早蠶不可用也弘
景曰僵蠶為木塗馬齒即不能食草以桑葉拭去
乃還食此見蠶即馬類也時珍曰馬與龍同氣故

有龍馬而蠶又與馬同氣故蠶有龍頭馬頭者蜀
人謂蠶之先為馬頭娘者以此好事者因附會其
說以為馬皮卷女入桑化蠶謬矣北人重馬故禁
之南方無馬則有一歲至再至三及七出八出者
矣然先王仁愛及物蓋不忍其一歲再致湯
鑊且妨農事亦不獨專為害馬殘桑而已

雄原蠶蛾

氣味鹹温有小毒 時珍曰按徐之才藥
對云熱無毒入藥炒

去翅
足用

主治益精氣強陰道交精不倦亦止精錄壯陽事

止泄精尿血暖水臍治暴風金瘡凍瘡湯火瘡滅

癩痕

癩痕

宗奭曰蠶蛾用第二番取其敏於生育也時
珍曰蠶蠶性淫出繭即構至於枯稿乃已故

強陰益
精用之

正誤

頌曰今治小兒撮口及發噤者用晚蠶二枚炙黃研末蜜和塗唇內便瘥時珍曰此方出聖惠乃是白僵蠶蘇氏引作蠶

附方

新舊二
丈夫陰痿 未連蠶二升去頭翅足炒
丸可御十室以菖蒲
遺精白濁 晚蠶焙乾之二翅
酒止之 千金方 足為末飯丸菜豆

大海服四十九淡鹽湯下此丸常
血淋疼痛 晚蠶
以火烘否則易糜濕也 唐氏方

采漿酒服二
小兒口瘡 及風痺瘡宮氣方用晚蠶
錢聖惠方 小兒口瘡及百日內
止血生肌 蠶散治刀斧
治小兒口瘡及百日內
口瘡入麝香少許搽之
用晚蠶炒為末傅之
即止甚效 勝金方 刀斧金瘡 蠶石灰
端午時取晚

搗成團草蓋令發執過
收貯每用刮下末搽之
竹刺入肉 五月五日取
蠶生投竹筒
中令自乾死為末取少許
蛇虺咬傷 生蠶研傳
津和塗之 便民圖纂

王枕生瘡 生枕骨上如癰破後如筋頭用原蠶
炒石草等分為末乾貼取瘡聖濟總錄

原蠶沙 頌曰蠶沙蠶發皆用晚出者良
蠶沙用晒乾淘淨再晒可久收不壞
時珍曰

氣味甘辛溫無毒 時珍曰伏
砂煇硝粉霜

主治腸鳴勢中消渴風痺癰疹 別炒黃袋盛浸酒
去風緩諸節不隨皮膚頑痺腹內宿冷冷血瘀血

腰脚冷疼炒熟袋盛熨偏風筋骨癱緩手足不隨

腰脚軟皮膚頑痺 治消渴癥結及婦人血崩頭

藏

治消渴癥結及婦人血崩頭

治消渴癥結及婦人血崩頭

治消渴癥結及婦人血崩頭

治消渴癥結及婦人血崩頭

本草綱目蠶沙

蠶沙

風風赤眼去風除濕時

發明 弘景曰蠶沙多入諸方不但熨風而已宗奭曰蠶屎飼牛可以代穀用三升醇酒拌蠶沙

五斗醅蒸於暖室中鋪油單上令患風者氣痺及近感癱風人就以患處下邊卧沙上厚蓋取汗若虛人須防大熱昏悶令露頭面若未全愈間日再作時珍曰蠶屬火其性燥燥能勝風去濕故蠶沙主療風濕之病有人病風痺用此熨法得效按陳氏經驗方一抹膏治爛弦風眼以真麻油浸蠶沙二三宿研細以蕪子塗患處不問新舊隔宿即愈表兄盧少樊患此用之而愈親筆于冊也時珍家一婢病此十餘年試用之而愈親筆于冊也時珍家去風收濕也又同桑柴灰淋汁煮龍肉作丸治腹中癥結見龍條李九華云蠶沙黃酒色味清美又能療疾

附方

舊四半身不遂 蠶沙二碩以二袋盛之蒸熟新六更互熨患處仍以羊肚糲米

煮粥日食三匙風瘙癢癩 作痒成瘡用蠶沙一升水洗浴避風 止風瘙癢癩 五斗煮取一斗二升去滓

蠶沙棟淨空心以新汲水 聖惠方 洗之 聖惠方 頭風白屑 作癢蠶沙燒灰淋

吞下十枚勿嚼破 聖惠 消渴飲水 晚蠶沙焙乾木下二錢不過 婦人血崩 蠶沙為末酒服三月經

數服 斗門方 婦人血崩 蠶沙為末酒服三月經久閉 蠶沙四兩砂鍋炒半黃色入無灰酒 轉女為

男 婦人始覺有孕用原蠶屎一 跌撲傷損 扭閃出

證 蠶沙四兩炒黃綠豆粉四兩炒黃枯礬二兩四

錢為末醋調傅之絹包縛定換三四次即愈忌產

婦近之 邵真 男婦心痛 不可忍者晚蠶沙一兩

人經驗良方 瑞竹堂方 滾湯泡過瀝淨取清水

石蠶 本經 下品

校正 併入有名未用 石蠶蟲

釋名 沙蠶 經本 石蠶蟲 錄別 石下新 拾遺 弘景曰沙

蠶人入水浴着身累不可見痛如鍼刺挑亦得之今此或名同而物異耳 時珍曰按吳普本草沙蠶

作沙

集解 經曰石蠶生江漢池澤 宗奭曰石蠶在處山

長寸許以散其身其色如泥蠶在其中故謂之石蠶亦水中蟲耳方家用者絕稀 別錄曰石蠶虫生

石中 藏器曰石蠶蟲一名石下新 今伊洛間水底

石下有之狀如蠶解放絲連綴小石如蠶春夏羽

化作小蠶水上飛 時珍曰本經石蠶別錄石蠶今

觀陳冠二說及王治功用蓋是一物無疑矣又石

類亦有石蠶 與此不同

正誤 弘景曰李當之云石蠶江左不識謂為草根

之味鹹微辛所言有理但江漢非滄地大都生

氣物如海中蛤蠣葦附石生不動皆活物也今俗

用草根黑色多角節亦似蠶恐未是實方家不用

恭曰石蠶形似蠶細小有角節青黑色生江漢側

石穴中 岐隴間亦有北人多不用采者 遂絕耳 韓

保昇曰李謂是草根陶謂是生氣物蘊黍之說半

似草半似虫皆妄矣此虫所在水石間有之取為

鈞餌馬湖石門最多彼人啖之云鹹微辛 頌曰石

蠶陶蘊都無定論蜀木之說為是 今川廣中多有

之其草根之似蠶者亦名石蠶出福州今信州山

藥詳見萊部草石蠶下

附錄 雲師雨虎 時珍曰按遁甲開山圖云霍山有

六寸有毛似兔雨虎如蠶長七八寸似蛙雲

雨則出在石內可炙食之此亦石蠶之類也

氣味

鹹寒有毒

保昇曰鹹微辛吳昔曰雷公鹹無毒

主治

五癆破石淋墮胎其肉解結氣利水道除熱

經本

石蠹蟲主石癆小便不利

發明

宗奭曰石蠹謂之草者謬也經言肉解結氣註中更不辨定何耶時珍曰石蠹連皮殼用也肉則去

皮殼也

九香虫

目綱

釋名黑兜蟲

集解

時珍曰九香虫產于貴州永寧衛赤水河中如小指頭狀如水鼠身青黑色至冬伏于石下土人多取之以充人事至驚蟄後節飛出不可用矣

氣味

鹹溫無毒

主治

膈院滯氣脾腎虧損壯元陽

發明

時珍曰攝生方烏龍丸治上證又服益氣四川何卿總兵常服有效其方用九香虫一兩半生焙車前子微炒陳橘皮各四錢白朮焙五錢杜仲酥炙八錢右為末煉蜜丸梧桐子大每服一錢五分以鹽白湯或鹽酒服早晚各一服此方妙在此蟲

海蠶

集解

李珣曰按南州記云海蠶生南海山石間狀如蠶大如拇指其沙甚白如玉粉狀每有節難得真者彼人以水搜葛粉石灰以梳齒印成偽充之縱服無益反能損人宜慎之

沙氣味

鹹大溫無毒

主治 虛勞冷氣諸風不遂久服補虛羸令人光澤
輕身延年不老 李

雪蠶 綱目

釋名 雪蛆

集解 時珍曰 按葉子奇草木子云雪蠶生陰山以
北及峨嵋山北人謂之雪蛆二山積雪歷世
不消其中生此大如瓠味極甘美又王子年拾遺
記云員嶠之山有水蠶長六七寸黑色有鱗角以
霜雪覆之則作繭長一尺抽五色絲織為文錦入
水不濡投火不燎堯時海人獻之其質輕暖柔滑
按此亦雪蠶之類也

氣味 甘寒無毒

主治 解內熱渴疾 時珍

枸杞蟲 拾遺

釋名 蠋爾 雅

集解 藏器曰 此蟲生枸杞上食枸杞葉狀如蠶作
繭為蛹時取之曝乾收用 時珍曰 此爾雅所
謂蛭烏蠋也其狀如蠶亦有五色者老則作繭化
為子諸草木上皆有之亦各隨所食草木之性
故廣志云蘆蠋香槐蠋臭

氣味 鹹溫無毒 **主治** 益陽道令人悅澤有子炙黃
和地黄末為丸服之大起陽益精 藏器 治腎家風虛

時珍 普濟方

蘼香蟲 綱目

集解 時珍曰 生蘼香枝葉 狀如尺蠖青色 **主治** 小腸疝氣 時珍

本草綱目蟲部目錄第四十卷

蟲之二 卵生類下二十二種

青蚨 拾遺 蛺蝶 綱目 蜻蛉 別錄 即蜻蛉

樗雞 本經 即紅娘子 棗貓 綱目 斑蝥 本經

芫青 別錄 葛上亭長 別錄 地膽 本經

蜘蛛 別錄 草蜘蛛 拾遺 壁錢 拾遺

螳螂 拾遺 即土蜘蛛 蟹 開寶 水蛭 本經

蟻 綱目 白蟻附 青腰蟲 拾遺 蛆 綱目

蠅 綱目 狗蝇 綱目 壁蟲附 牛蝨 綱目

本草綱目蟲部目錄第四十卷

自還也李珣曰按異物志言蠹蝓生南海諸山雄雌常處不相捨青金色人采得以法未之用途錢難以貨易於人書用夜歸又能秘精縮小便亦人間難得之物也時珍曰按異物志云青蚨形如蟬而長其子如蝦子着草葉上得其子則母飛來煎食甚辛而美蚨蝻神書云青蚨一名蒲蚨似小蟬又如蚩青色有光生於池澤多集蒲葉上春生子干蒲上八八為行或九九為行如大蚕子而圓取其母血及火炙子血塗錢市物仍自還歸用之無窮誠仙術也其說俱彷彿但藏器云子着木上稍有不同而許氏說文亦曰青蚨水虫也蓋水虫而產於草木爾

附錄 麗降

時珍曰按劉恂嶺表錄異云麗降生於嶺南多在椶欖樹上形如蜩蟬腹青而薄其名自呼但聞其聲而鮮能得之入以善價求為媚藥按此形狀似蟬可為媚藥嶺李珣海藥青蚨雌雄不捨必精之說相符恐亦青蚨之類在木上者也

氣味辛温無毒

主治補中益陽道去冷氣令人悅澤藏秘精縮小便

便藥

蚨蝶綱

チヤフ

釋名 蚨蝶 蚨音葉

胡蝶

時珍曰蚨蝶輕薄夾翅而飛葉葉然也蝶美於鬚蝻美於

俗謂鬚為胡也

集解

時珍曰蝶蛾類也大曰蝶小曰蝻其種甚繁皆四翅有粉好嗅花香以鬚代鼻其交以真交則粉退古今註謂橘蠹化蝶爾雅翼謂菜蟲化蝶列子謂烏足之葉化蝶埤雅謂蔬菜化蝶酉陽雜俎謂百合花化蝶北戶錄謂樹葉化蝶如丹青野史謂綵裙化蝶皆各據其所見者而言爾蓋不

知蠹蠹諸蟲至老俱各蛻而為蝶為蠶如蠶之必羽化也朽衣物亦必生蟲而化草木花葉之化者乃氣化風化也其色亦各隨其蟲所食花葉及所化之物色而然揚慎丹鉛錄云有草蝶水蝶在水中大如蒲帆稱肉得八十斤噉之極肥美

氣味 闕

主治 小兒脫肛陰乾為末唾調半錢塗手心以瘥

為度 時珍

發明 時珍曰胡蝶古方無用者惟普濟方

載此方治脫肛亦不知用何等蝶也

蜻蛉 別錄下品

下品

釋名 蜻蚪音蜻 蜻亦作 蚪 音 勞 爾 雅 蜻 勿 音 諸 乘

弘景曰

赤者名赤卒

時珍曰蜻言其狀伶仃也或

云其尾如丁也或云其尾好亭而挺故曰蜻曰蚘俗名紗羊言其翅如紗也按崔豹古今註云大而色青者曰蜻蛚小而黃者江東名胡黎淮南名蠓蠓鄱陽名江雞小而赤者名曰赤卒曰絳縵曰赤衣使者曰赤弁丈人大而玄紺者遼海名紺蠓亦曰天雞陶氏謂胡黎為蜻蛉政謂此耳

集解

弘景曰蜻蛉有五六種惟青色大眼一名諸

珠其餘黃細及黑者不入藥道家云眼可化為青飛水際六足四翼宗奭曰蜻蛚中一種最大汴人呼為馬大頭者是也身綠色其雌者腰間有碧色一遭入藥用雄者此物生於水中故多飛水上其類眼皆大陶氏獨言蜻蛚眼大何也時珍曰蜻蛉大頭露目短頸長腰軀尾翼薄如紗食蚊蠅飲露水造化權輿云水蠶化螭羅願云水蠶化蜻蛉蜻蛉仍交于水上附物散卵復為水蠶也張華博物

志亦言五月五日埋蜻蛉頭于戶內可化青珠未
知然否古方惟用六而青者近時房中術亦有用
紅色者崔豹云遼海間有緝蟻蟲如蜻蛉而玄紺
色六七月羣飛聞天夷人食之云海中青蟹所化
也雲南志云瀾滄浦蠻諸地凡土
蜂蜻蛉蟬蟻之類無不食之也

氣味微寒無毒

主治強陰止精別錄壯陽暖水臍日

樗雞 本經 中品

ウチスメ

釋名紅娘子 綱目 灰花螿

時珍曰其鳴以時故得雞名廣雅作樗鳩廣志作雙

雞皆訛矣其羽文綵故俗呼紅娘子灰花螿

集解

別錄曰生河內山谷樗樹上七月采暴乾弘景曰今出梁州者似寒蟬而小樗樹似漆而

臭亦猶芫青亭長在芫葛上也叅曰河內無此今出岐州此有二種以五色具者為雄入藥良其青黑質白班者是雌不入藥宗奭曰汴洛諸界充多形類蠶螿但腹大頭足微黑翅兩重外一重灰色內一重深紅五色皆具頌曰爾雅云輪天雞郭璞註云小蟲也黑身赤頭一名莎雞又曰樗雞然今之莎雞生樗木上六月中出飛而振羽索索作聲人或蓄之樊中但頭方腹大翅羽外青內紅而身不黑頭不赤此殊不類郭說樗上一種頭翅皆赤者乃如舊說人呼為紅娘子然不名樗雞疑即是此蓋古今之稱不同爾時珍曰樗即臭椿也此物初生頭方而扁尖喙向下六足重翼黑色及長則能飛外翼灰黃有班點內翅五色相間其居樹上布置成行秋深生子在樗皮上蘓恭冠宗奭之說得之蘓頌引郭璞以為莎雞者誤矣莎雞居莎草間蟋蟀之類似蝗而班有翅數重下翅正赤六月飛而振羽有聲詳見陸機毛詩疏義而羅願爾雅翼以莎雞為絡緯即俗名紡絲者

修治

時珍曰凡使去翅足以糯米或用麩炒黃色去米麩用

氣味

苦平有小毒不可近目

主治

心腹邪氣陰痿益精強志生子好色補中輕

身

腰痛下氣強陰多精通血閉行瘀血

瘰癧散 目中結翳辟邪氣療狗犬傷

發明

弘景曰方藥稀用為大麝香丸用之時珍曰古方辟瘟殺鬼丸中用之近世方中多用蓋

附方

新子宮虛寒 杏林摘要云婦人無子由子宮痛或崩中帶下或產後敗血未盡而結不散用紅

瘰癧結核

用紅娘子十四枚乳香硫霜各一錢

風狗咬傷

不治即死

十枚為末棗肉為丸如彈子大以綿裹留繫用作筒送入陰戶一時許發熱渴用熱湯一二盞解之後發寒翹睡要安三日方取出每日空心以雞子三枚胡椒末二分炒食酒下以補之夕則子宮暖矣

和作餅貼之不過一月其核

自然脫下矣

衛生簡易方

風狗咬傷

用紅娘子

二箇斑蝥五箇並去翅足若四十歲各加一箇五

十歲各加二箇青娘子三箇去翅足四十歲各一

箇五十六歲加二箇海馬半箇續隨子一分乳香

沉香桔梗各半分醋油少許為末十歲者作四服

十五歲作三服二十歲作二服

三十歲作一服

談莖翁方

橫痃便毒

雞子一

入紅娘子六箇紙包煨熟去紅娘子食雞子以酒

下小便淋瀝出膿血即愈

陸氏積德堂方

棗貓

綱目

集解

時珍曰：棗樹古方無考，近世方廣丹溪心法附錄治小兒方用之。註云：生棗樹上飛蟲也。大如棗子，青灰色，兩角采得，陰乾用之。

氣味

缺

主治 小兒臍風

時珍曰：按方廣云：小兒初生以綿裹臍帶，離臍五六寸，札定咬斷，以鷲翎筒送藥一二分入臍大孔，輕心揉散，以艾炷灸臍頭三壯，結住勿行動，候其自落，永無臍風之患。萬不失一。臍硬者用之軟者無病，不必用也。其法用陰乾棗樹兒研末，三箇真珠搥研，四十九粒炒黃丹五分，白枯礬蛤粉血竭各五分，研勻如上法用臍有三孔，大二小也。

斑蝥

本經下品

校正

陳藏器：盤蝥蟲係重出，今併為一。

カイドウトヲリ

釋名

斑猫

本經

盤蝥蟲

拾遺

龍虵

音刺

斑虵

時珍曰

斑言

其色蝥刺言

其毒如矛刺也，亦作蟹。蝥俗訛為斑猫，又訛斑虵。

集解

別錄曰：斑猫生河東山谷，八月取陰乾。吳普曰：生河內山谷亦生。木石保昇曰：斑猫所在有之。七八月大豆葉上，甲蟲也，長五六分，黃黑斑。文鳥腹尖喙，就葉上採取，陰乾用。弘景曰：此一蟲五變，王療皆相似。二三月在芫花上，即呼為芫青。四五月在王不留行草上，即呼為王不留行蟲。六七月在葛花上，即呼為葛上亭長。八九月在豆花上，即呼為斑蝥。九月十月復還地，蝥即呼為地膽。此是偽地膽耳，為療猶同也。其斑蝥大如巴豆，甲上有黃黑斑點，芫青黑色，亭長身黑頭赤。數曰芫青，斑蝥亭長赤頭，四件樣各不同。所居所食所效亦不同。芫青嘴尖，背上有二畫黃，在芫花上食。斑蝥背上一畫黃，一畫黑，嘴尖處有一小赤點。在豆葉上食，汁亭長形黃黑，在葛葉上食，汁赤頭。身黑，額上有大紅一點。頰曰：四蟲皆是一類，但隨時變耳。深師方云：四月五月六月為葛上亭長。

七月為斑蝥九月十月為地膽今醫家知用芫青
斑蝥而地膽亭長少使故不得詳也(恭曰)本草古
今諸方並無王不留行蟲若陶氏所言則四蟲專
在一處今地膽出幽州芫青出寧州亭長出雍州
斑蝥所在皆有四蟲出四處可一歲周遊四州乎
芫青斑蝥形段相似地膽狀貌大殊且采自草葉
上陶蓋浪言爾時珍曰按本經別錄四蟲采取時
月正與陶說相合深師方用亭長所註亦同自是
一類隨其所居所出之時而命名爾蘇恭強闢陶
說亦自欠明按太平御覽引神農本草經云春食
芫花為芫青夏食葛花為亭長秋食豆花為斑蝥
冬入地中為地膽黑頭赤尾其說甚明而唐宋校
正者反失收取更致紛紜何哉陶氏之玉不留行
蟲雷氏之赤頭方藥末有用者要皆此類固可理
推餘見

修治

數曰凡斑蝥芫青亭長地膽修事並漬糯米
小麻子相拌炒至米黃黑色取出去頭足兩

翅以血餘裹懸東墻角上一夜用之則毒去也(大
明曰)入藥須去翅足糯米炒熟不可生用即吐瀉
人時珍曰一法用麩
炒過醋煮用之也

氣味 辛寒有毒

晉曰神農辛岐伯鹹扁鵲甘有大
毒○馬刀為之使畏巴豆丹參空

青惡膚青甘草豆花(時珍曰)斑蝥芫青亭長
地膽之毒醃汁黃連黑豆葱茶皆能解之

主治 寒熱鬼疰蠱毒鼠瘻瘡疽蝕死肌破石瘰

本經

血積傷人肌治疥癬墮胎

別錄

治瘰癧通利水道

甄權

療淋疾傳惡瘡癰爛

華日

治疔瘕解疔毒制大毒沙

蝨毒蠱毒輕粉毒

時珍

發明

宗奭曰姪媛人不可用之為潰入肉治淋方
多用極苦須斟酌之時珍曰斑蝥人獲得

之尾後惡氣射出臭不可聞故其入藥亦專主是
下竅直至精溺之處蝕下敗物痛不可當葛氏云
凡用斑蝥取其利小便引藥行氣以毒攻毒是矣
場登甫云瘰癧之毒莫不有根大抵以斑蝥地膽
為主制度如法能使其根從小便中出或如粉片
或如血塊或如爛肉皆其驗也但毒之行小便必
澀痛不可當以木通滑石燈心葷導之又葛洪肘
後方云席辯刺史傳云凡中蠱毒用斑蝥四枚
去翅足炙熟莖皮五月初五日採取去黑皮陰乾
大戟去骨各為末如斑蝥一分二味各用二分合
和棗核大以米清服之必吐出蟲一服不瘥十日
更服此蠱洪州最多有老姬解瘰癧之二人獲瘰二
十定秘方不傳後有子孫犯法黃華
公若干則時為都督因而得之也

附方

新舊六
內消瘰癧 不拘大人小兒經驗方用斑蝥一兩去翅足以粟一升同炒米焦去米不用入薄荷四兩為末烏鷄子清丸如菽豆大空心臘茶下三九加至五九每九減

一丸減至二九後每日五丸以消為度○廣利治瘰癧經久不瘥用斑蝥一枚去翅足微炙以漿水一盞空腹吞之用蜜水亦
可重者不過七枚瘥也
瘰癧有蟲 八月多取黃犬背上毛二七根炒研硃砂五分同和苦酒頓服其蟲當盡出也
癰疽拔膿 斑蝥為末以蒜搗膏和水豆許貼之少頃膿出即去藥直指
疔腫拔根 斑蝥一枚捻破以鍼封之即出根
血疔便毒 不拘已成未成隨即消散也
外臺 三錢同研分作三服空心白湯下之一服毒從小便出如痛以車前木通澤瀉猪苓煎飲名破毒飲甚效
東垣方 積年癬瘡 外臺用斑蝥半兩微炒為末蜜浸露一
夜搽之
面上瘡癩 大風面上有紫瘡癩未清用乾斑蝥末以生油調傅約半日瘡

一丸減至二九後每日五丸以消為度○廣利治瘰癧經久不瘥用斑蝥一枚去翅足微炙以漿水一盞空腹吞之用蜜水亦
可重者不過七枚瘥也
瘰癧有蟲 八月多取黃犬背上毛二七根炒研硃砂五分同和苦酒頓服其蟲當盡出也
癰疽拔膿 斑蝥為末以蒜搗膏和水豆許貼之少頃膿出即去藥直指
疔腫拔根 斑蝥一枚捻破以鍼封之即出根
血疔便毒 不拘已成未成隨即消散也
外臺 三錢同研分作三服空心白湯下之一服毒從小便出如痛以車前木通澤瀉猪苓煎飲名破毒飲甚效
東垣方 積年癬瘡 外臺用斑蝥半兩微炒為末蜜浸露一
夜搽之
面上瘡癩 大風面上有紫瘡癩未清用乾斑蝥末以生油調傅約半日瘡

癰腫起以軟帛拭去藥以棘鍼挑破近下冷水出
乾不得剝其瘡皮及不可以藥近口眼若是尖瘡
癰子即勿用此別用膽礬

藥以治之聖濟總錄

疣痣黑子

斑蝥三箇入
言少許以糯

米五錢炒黃去米入
蒜一箇搗爛點之

風狗咬傷

衛生易簡方云此
乃九死一生之病

急用斑蝥七枚以糯米炒黃去米為末酒一盞煎
半盞空心溫服取下小肉約三四枚為盡如數
少數日再服七次無狗形永不發也累試累驗

○醫方大成用大斑蝥三七枚去頭翅足用糯米
一勻畧炒過去斑蝥別以七枚如前炒色變復去

之別以七枚如前至青烟為度去蝥只以米為粉
用冷水入清油少許空心調服須臾再進一服以

小便利下毒物為度如不利再進利後肚疼急用
冷水調青靛服之以解其毒否則有傷黃

連水亦可解之但不宜服一切熱物也
中沙風

毒斑蝥二枚一枚末服一枚燒至
烟盡研末傳瘡中立瘥
肘後**塞耳治聾**斑蝥
炒二

放生巴豆去皮心二枚杵丸
棗核大綿裹塞之○聖惠方**妊娠胎死**斑蝥一枚
即下

廣利方

芫青 別錄下品

釋名青娘子 時珍居芫花上而色青故名芫青世
俗諺之呼為青娘子以配紅娘子也

集解 別錄曰三月取暴乾弘景曰二月三月在芫
花上花時取之青黑色恭曰出寧州頌曰處

處有之形似斑蝥但色純青綠背上一道黃文宋
喙三四月芫花發時乃生多就芫花上采之暴乾

時珍曰但連芫花莖葉采置地
上二夕盡自出也餘見斑蝥

修治 見斑蝥

氣味 辛微溫有毒 時珍曰芫青之功同斑蝥而毒
尤猛蓋芫花有毒故也○畏惡

同斑
螫

主治 蠱毒風疰鬼疰墮胎別錄 治鼠瘻景弘 主疝氣利

小水消瘰癧下痰結治耳聾目翳犬傷毒餘功

同斑螫時珍

附方 新 偏墜疼痛清娘子紅娘子各十枚白麵拌

效也。談 目中頑翳發背膏用青娘子紅娘子

蓬砂一錢 蕤仁去油五箇為末每點少許日五

耳治聾羌青巴豆仁蓖麻仁各一枚研

葛上亭長別錄

釋名 弘景曰此蟲黑身赤頭如亭

集解 別錄曰七月取暴乾弘景曰葛花開時取之

保昇曰處處有之五六月葛葉上采之形似羌青

而蒼黑色數曰亭長形黑黃在葛上食葛膠此又

有赤頭身黑色額上有大紅一點各有用處時珍

修治 同斑 氣味辛微温有毒惡畏同

主治 蠱毒鬼疰破淋結積聚墮胎別錄 通血閉癥塊

鬼胎餘功同斑螫時珍

發明 頌曰深師療淋用亭長之說最詳云取葛上

本草綱目卷之四十一

白枚上陰二三日枚之若有人患十年淋服三枚
八九年以還服二枚服時以水如粟許着小盃虫
瓜甲研之當扁扁見於水中仰面吞之勿令近牙
齒間藥雖微小下喉自覺至下焦淋所宜頃藥作
大煩急不可堪者飲乾麥飯汁則藥勢止也若無
乾麥飯但水亦可耳老小服三分之一賞下林疾
如膿血連連爾去者或如指頭或青或黃不拘男
女皆愈若藥不快淋不下以意節度更增服之此
毒五六月為亭長頭赤身黑七月
為斑蝥九月為地膽隨時變耳

附方 新經脈不通 婦人經脈不通癥塊脹滿腹有
和炒去翅足研末分三服空心甘草湯下須臾
覺臍腹急痛以黑豆煎湯服之當通 聖惠方 肺

風白癩 方見

地膽 本經
下品

釋名 蜃青

經書 蜃青 故亦名蜃青用蜃字者亦牽誤
兩時珍曰地膽者居地中其色如膽也按太平御
覽引爾雅云地膽地要青蠃也又引吳普本草云
地膽一名杜龍一名青虹陶弘景以蠃字為蛙
字音鳥蝸切者誤矣宋本因之今俱蠃政也

集解

經曰生汶山山谷六月取之弘景曰真地膽
狀如大豆大抵療體畧同亦難得真耳恭曰形如
大馬蟻者今出亦州三月至十月草葉上采之非
地中也狀如大豆者未見之陶亦浪證爾保昇曰
二月三月八月九月草葉上取之形倍黑色光青
所化也時珍曰今處處有之在地中或齋石內蓋
荒青亭長之類冬月不蟻者狀如蟻蓋蕪恭未見
反非陶說非也本經別名荒青尤為可證既曰地
膽不應復在草葉上矣蓋荒青青綠色斑蝥黃斑
色亭長黑身赤頭地膽黑頭
赤尾色雖不同功亦相近

本草綱目卷之四十一

修治 同 斑

氣味 辛寒有毒

主治 鬼疰寒熱鼠瘻惡瘡死肌破癥瘕隨胎本經

瘡中惡肉鼻中瘖肉散結氣石淋去子服一刀圭

即下別錄宜拔癭癧從小便中出上亦吐出又治鼻

艸性 治疝積疼痛餘功同斑斑時

發明 頌曰今醫家多用斑斑若青而稀用亭長地

有瘡瘡類類累毒裂如替眼其中帶青由是發頭

各乳或項或肩令人昏迷急宜用地膽為君佐以白

餘邪乃可得安也

附方 新 小腸氣痛 地膽去翅足頭微炒珠砂各半

前調服二錢 鼻中瘖肉 地膽生研汁灌之乾者酒

即愈○宜明 等分為末以生地膽汁和成膏每

蜘蛛 別錄 下品 夕王

釋名 次 蠶 蝟 蚘 蠅 亦作蠶 蚤 音 拙

安石字說云設一而之網物觸而後誅之知乎誅

義者故曰蜘蛛爾雅作蠶 蠶從 匪 匪者木腹也 揚

朝鮮之間謂之蟠 蝟 齊人又呼為杜公 蚘 蠅 見下

集解 弘景曰蜘蛛數十種今入藥惟用懸網如魚

家用其餘並不入藥頌曰蜘蛛處處有之其類極多爾雅云次蠶謂蠶也土籠蠶草蠶蠶蠶蟪蟪長崎郭璞註云今江東呼籠蠶為蠶蠶長崎者為蟪子則陶云蜘蛛者即蠶蠶也藏器曰蜘蛛在孔穴中及草木上陶言即蜘蛛非矣數曰凡五色者及大身有刺毛生者并薄小者並不入藥惟身小足大腹內有蒼黃膿者為真取犀西結網者去頭足研膏用宗奭曰蜘蛛品多皆有毒今人多用人家簷角離頭陋巷之間空中作圓網大腹深灰色者耳遺尿着人令人生瘡恭曰劍南山東為此蟲所齧瘡中出絲要有死者時珍曰蜘蛛布網其絲右繞其類甚多大小顏色不一爾雅但分蜘蛛草土及蠶蟪四種而已蜘蛛齧人甚毒往往見於典籍按劉禹錫傳信方云判官張延賞為蜘蛛咬頸上一宿有二赤脉繞項下至心前頭面腫如數斗幾至不救一人以大藍汁入麝香雄黃取一蛛投入隨化為水遂以點咬處兩日悉愈又云貞元十年崔從質員外言有人被蜘蛛咬腹大如孕婦

有僧教飲羊乳數日而平又李絳兵部手集云蜘蛛咬人遍身成瘡者飲好酒至醉則蟲於肉中似小米自出也劉郁西域記云赤木兒城有蟲如蜘蛛毒中人則煩渴飲水立死惟飲葡萄酒至醉吐則解此與李絳所言蜘蛛毒人飲酒至醉則愈之意同蓋亦蜘蛛也鄭曉吾學編云西域賽藍地方夏秋間草生小黑蜘蛛甚毒齧為痛聲徹地土人誦呪以薄荷枝拂之或以羊肝遍擦其體經一日夜痛方止愈後皮脫如蛻牛馬被傷輒死也元稹長慶集云巴中蜘蛛大而毒甚者身運數寸躋長數倍竹木被網皆死中人瘡瘡痛痒倍常惟以苦酒調雄黃塗之仍用鼠負蟲食其絲則愈不急救之毒及心能死人也段成式因陽雜俎云深山蜘蛛有大如車輪者能食人物若此數說皆不可不知淮南萬畢術言赤斑蜘蛛食猪肪百日殺以塗布兩不能濡殺以塗足可履水上抱朴子言蜘蛛水馬食馮夷水仙丸服可居水中

皆方士幻誕之談不足信也

氣味微寒有小毒大明曰無毒畏蔓青雄黃

主治大人小兒癩及小兒大腹丁奚二年不能行

者別錄蜈蚣蜂蠆螫入取置咬處吸其毒景弘王蛇毒

溫瘡止嘔逆癰亂恭蘇取汁塗蛇傷燒啖治小兒腹

疳蘇頌疳口咽脫肛瘡腫胡臭齒齩時珍斑者治瘡疾

疔腫華日

發明頌曰別錄言蜘蛛治癩張仲景治陰狐疝氣

四枚炒焦桂半兩為散每服八分日再或以蜜丸

亦通恭曰蜘蛛能制蛇故治蛇毒而本條無此時

珍曰鶴林王露載蜘蛛能制蜈蚣以溺射之節節

斷爛則陶氏言蜘蛛治蜈蚣傷亦相伏爾沈括筆

談載蜘蛛為蜂螫能醫芋梗磨割而愈今蛛又能治

蜂螫螫何哉又劉義慶幽明錄云張甲與司徒蔡

謨有親謨晝寢夢甲曰忽暴病心腹痛脹滿不得

吐下各乾霍亂惟用蜘蛛生斷脚吞之則愈但人

不知甲某時死矣謨覺使人驗之甲果死矣後用

此治乾霍亂輒驗也按此說雖怪正合唐註治嘔

逆霍亂之文當亦不謬蓋

附方

舊七新十四 中風口喎向火取蜘蛛摩偏急頰小

兒口噤

直指立聖散用乾蜘蛛一枚去足竹瀝浸

一字乳汁調時時灌入口中聖惠治小兒十日

內口噤不能吮乳蜘蛛一枚去足炙焦研末入猪

乳一合和勻分作三服 止截瘡疾葛洪方用蜘蛛

吞之楊氏家藏用蜘蛛 項上勿命患人知之海上用蜘蛛三五枚綿包

繫寸口上。○宜明方用大蜘蛛三枚信砒一錢雄
 黑豆四十九粒為末滴水為丸。豌豆大先夜以
 左獻於北斗下次早紙裹插耳。泄痢脫肛。黑聖散
 內立見神聖。一丸可醫二人。王之大蜘蛛一箇瓠葉兩重包。札定燒存性。入黃
 丹少許。許為末。先以白礬葱椒煎湯洗拭乾。以前藥
 未置。軟帛。上托入收之。走馬牙疳。出血作臭。用蜘蛛
 甚是有效也。乘閉方。齒齲斷爛。用大蜘蛛一枚銅線半
 錢麝香少許。杵勻。擦。齒齲斷爛。濕紙重裹荷葉包。
 之。無蛛用殼。直指。少許。研傳。永類。鈴方。聾耳出膿。蜘蛛一枚。麝香一箇。臘
 麝香一字為末。吹妳疼痛。為末。酒服。即止。神效。
 用。鷲翎。吹之。頰下結核。大蜘蛛不計多少。好酒浸過。同研爛。澄
 瘰癧結核。無問有頭無頭。用大蜘蛛五枚。日乾。去
 足。細研。酥調。塗之。日再上。聖惠方。

鼠瘻腫核

已破出膿水者。蜘蛛二枚。研爛。熱酒一椀。攪服。隨左右。

便毒初起

大黑蜘蛛一枚。研爛。熱酒一椀。攪服。隨左右。

側臥取利不返再服必效

毒域。丁腫夜根。取戶。蜘蛛一枚。研爛。熱酒一椀。攪服。隨左右。

乾即易一日夜根拔出大有神效

露傳之。腋。下。胡。臭。大蜘蛛一枚。以黃泥入少赤石脂末及鹽少許。

臭和勻累蛛煨之為末入輕粉一字醋調成膏臨

臥傳。腋。下。明。早。登。廁。必。蜂。螫。螫。傷。蜘蛛研汁塗之。

處吸其毒

蜈蚣咬傷。同。蛇。虺。咬。傷。蜘蛛搗爛。一切。

惡瘡

蜘蛛晒研末入輕粉。麻油塗之。直指方。

蛻殼

主治。蟲牙。牙疳。時。珍。方。

附方

舊。一。蟲。牙。有。孔。蜘蛛殼一枚。綿。牙疳。出血。蜘蛛。

新。一。蟲。牙。有。孔

畏。塞。之。備。急。牙。疳。出。血。蜘蛛。

穀為末入臘脂麝香
少許傳之 直指方

網王治喜忘七月七日取置衣領中勿令人知別

以纏疣贅七日消落有驗 蘇恭療瘡毒止金瘡血出

炒黃研末酒服治吐血 時珍○出聖 惠方

發明 時珍曰按侯延賞退齋閑錄云凡人卒暴吐

立止此乃孫紹先所傳方也又酉陽雜俎云裴曼

山行見蜘蛛結網如疋布引弓射殺斷其絲數尺

收之部下金瘡者剪方寸貼之血 立止也觀此則蛛網蓋止血之物也

附方 新積年諸瘡 蜘蛛膜貼之數 反花瘡疾 同肛

草蜘蛛 拾遺

正誤 舊標作蚰蟪今據爾雅改作草蜘蛛見下

集解 藏器曰蚰蟪在孔穴中及草木稠密處作網

如蚕絲為帶於中開一門出入形似微似蜘蛛

而斑小陶言蚰蟪即蜘蛛誤矣時珍曰爾雅謂

謂蚰蟪正與爾雅相合而陳氏所謂蚰蟪即爾雅

之草蜘蛛也今改正之然草上亦有數種入藥亦

取其大者爾有甚毒者不可不知李氏三元書云

草上花蜘蛛絲最毒能纏斷牛尾有人遺尿絲纏

其陰至斷爛也又沈存中筆談言草上花蜘蛛

咬人為天蛇毒則誤矣詳見鱗部天蛇下

主治 出疔腫根搗膏塗之

絲王治去瘤贅疣子禳瘴疾 時珍

本草綱目卷之四

附方

新癩疔 用稍上花蜘蛛十餘安桃枝上待絲垂下取東邊者燃為線繫之七日一換自消落也
總徵論 五月五日取花蜘蛛晒乾絳囊盛之臨期男左女右繫臂上勿

令知之
普濟方

壁鏡

拾遺
ヒラケモ

釋名

壁鏡 時珍曰皆以窠形命名也

集解

藏器曰壁鏡蟲似蜘蛛作白幕如錢貼墻壁間北人呼為壁繭時珍曰大如蜘蛛而形扁斑色八足而長亦時蛻殼其膜色光白如繭或云其蟲有毒咬人至死惟以桑柴灰煎取汁調白礬末傳之妙
氣味無毒

主治

鼻衄及金瘡出血不止捺取蟲汁注鼻中及點瘡上赤瘰五野雞病下血器治大人小兒急疔牙蝕腐臭以壁蟲同入中白等分燒研貼之又主

喉痺

時珍○出聖惠等方

附方

新喉痺乳蛾 已死者復活活用墻上壁錢七箇一一分塊化開以壁錢煮礬燒存性出火毒為末竹管吹入立時就好忌熱肉硬物

窠幕

主治 小兒嘔逆取二七枚煮汁飲之產後效逆三五日不止欲死者取三五箇煎汁呷之良又止金瘡諸瘡出血不止及治瘡口不斂取繭頻

貼之止蟲牙痛時珍

附方 新 蟲牙疼痛

普濟以壁上白蟻窠四五箇剝去黑者以鐵刀燒出汁將窠煮汗丸之納入牙中甚效又以乳香入窠內燒存性納之亦效。一方用牆上白蛛窠包胡椒末塞耳左痛塞右右痛塞左手掩住側面待額上有微汗即愈

蟻當拾遺

シシヨレ

釋名 蚨蜢

爾雅音迭湯今轉為顛當蟲

遺蚨母

綱目 土蜘蛛

藏器曰蟻音空當

爾雅作蚨蜢音迭湯今轉為顛當蟲河北人呼為蚨蟾音姪唐鬼谷子謂之蚨母

集解

藏器曰蟻蟾是處有之形似蜘蛛穴上為窠穴上有益覆穴口時珍曰蚨蜢即爾雅土蜘蛛也土中布網按段成式西陽雜俎云齋前兩後多顛當窠深如蚓穴網絲其中土蓋與地平大如

榆莢常仰捍其蓋伺蠅蠖過輒翻蓋捕之綴入復閉與地一色無隙可尋而蜂復食之秦中兒謠云顛當顛當牢守門翳翳冠汝無處奔

氣味 有毒

主治

一切疔腫附骨疽蝕等瘡宿肉贅瘤燒為末和臘月豬脂傅之亦可同諸藥傅疔腫出根為上

蟻

寶開

スカリ

釋名 蚨蟬

音伊

主簿蟲

實開 杜白

廣雅 蠶尾蟲

志曰 叟

陽雜俎云江南舊無蟻開元初有主簿以竹筒盛過江至今往往有之故俗稱為主簿蟲時珍曰按

本草綱目蟲部

卷之四十一

二十一

唐史云劍南本無蠶有王簿將至遂呼為王簿蟲
又裴揖廣雅云杜白蠶也陸璣詩疏云蠶一名杜
白幽州人謂之蠶觀此則王簿乃杜白之訛而後
人遂傳會其說許慎云蠶蠶尾蟲也長尾為蠶短
尾為蠶葛洪云蠶前為蠶後為蠶古語云蜂蠶垂
芒其毒在尾今入藥有全用者謂之全蠶有用尾
者謂之蠶稍一
其力尤緊

集解

志曰蠶出青州形緊小者良段成式云鼠負
如稻粒陳州古倉有蠶形如錢螯入必死蝸能食
之先以跡矩之不復去也宗奭曰今青州山中石
下捕得慢火逼之或烈日中晒至蠶渴時食以青
泥既飽以火逼殺之故其色多赤欲其體重而售
之也用者當去其上頰曰今汴洛河陝州郡皆有
雌雄者螯入痛止在二處用并泥傳之雌者痛牽
諸處用瓦溝下泥傳之皆可畫地作十字取土水

服方寸匕或在手足以冷水漬之微暖即易在身
以水浸布搗之皆驗又有呪禁法亦驗時珍曰蠶
形如水晶不足而長尾有節色青今捕者多以鹽
泥食之入藥去足焙用古今錄驗云被蠶螯者心
以木攪合之神
驗不傳之方也

氣味甘辛平有毒

主治諸風癱瘓及中風半身不遂口眼喎斜語澀

手足抽掣開寶小兒驚癇風搐大人痰瘧耳聾亦氣

諸風瘡女人帶下陰脫時珍

發明

宗奭曰大人小兒通用驚風尤不可闕頌曰
古今治中風抽掣及小兒驚搐方多用之篋
中方治小兒風癇有方時珍曰蠶產於東方色青
屬木足厥陰經藥也故治厥陰諸病諸風掉眩搐

本草綱目卷之...

掣瘡疾寒熱耳聾無聞皆屬及陰風木故東垣李
昇云凡疝氣帶下皆屬於風蠶乃治風要藥俱宜
加而用之

附方

舊三新

小兒臍風

宣風散治初生斷臍後傷
風濕唇青口撮出白沫不

乳用全蠶二十一箇無灰酒塗灸為末入麝香
少許每用金銀煎湯調半字服之全幼心鑑小

兒風疳

取蠶五枚以一大石榴割頭剝空納蠶於
中以頭蓋之紙筋和黃泥封裹微火炙乾

漸加火煨赤候冷去泥取中焦黑者細研乳注調
半錢灌之便定兒稍大以防風湯調服

慢脾驚風

小兒久病後或吐瀉後生驚轉成慢脾
用蠶稍一兩為末以石榴一枚剝空用

無灰酒調末填入蓋定坐文武火上時時攪動
膏取出放冷每服一字金銀薄荷湯調下
左治吐利後昏瞤生瘋癩慢脾症全蠶白木麻黃
去節等分為末二歲以下一字三歲以上半錢薄

荷湯

天鈞驚風

翻眼向上用乾蠶全者一箇瓦炒
好硃砂三絳豆大為末飯九綠豆

大外以硃砂少許同酒
化下一九頓愈

小兒胎驚

包灸為末入硃
砂麝香少許麥門冬煎湯

調下一字效 湯氏寶書
荷四葉裹定火上灸焦同研為

小兒驚風

尾全者以薄
末分四服白湯下

未分四服白湯下 經驗方
研為

大人風涎

作一服
方

風淫濕痺

手足不舉筋節攣疼先與通關次以全
蠶七箇瓦炒入麝香一字研勻酒三盞

空心調服如覺已透則止未透再服如病未盡除
自後專以婆蒿根洗淨酒煎日二服 直指方

破傷中風

普濟用乾蠶麝香各一分為末傅患處
令風速愈 聖惠用乾蠶酒炒天麻各

半兩為末以蟾酥二錢湯化為糊和搗丸綠豆大
每服一九至二九豆淋酒下甚者如至三九取汗

腎氣冷痛

聖惠定痛丸治腎臟虛冷氣攻臍腹疼
痛不可忍及兩脇疼痛用乾蠶七錢半

本草綱目卷之四十一

焙為末以酒及童便各三升煎如稠膏九梧子大
 每酒下二十九丸○又蜘蛛散用蜘蛛三十枚頭足
 全者掘一地坑深潤各五寸用炭火五斤燒赤去
 火淋醋一升入內待滲乾排蜘蛛於坑底碗蓋一
 夜取出木香蘿蔔子炒各一分胡椒三十粒
 煑柳肉豆蔻一箇為末每服一錢熱酒下
小腸
疝氣 用緊小全蠶焙為末每發時服二錢入
 麝香半字溫酒調服少頃再進神效
腎虛
耳聾 十年者二服可愈小蠶四十九箇生薑如蠶
 至一二更時更進一服至醉不妨次
 日耳中如笙簧聲即效 杜壬方
耳暴聾閉 全
 去毒為末酒服一錢以耳中聞
膿耳疼痛 蠶稍七
 水聲即效 周密志雅堂雜鈔
膿耳疼痛 枝去毒
 焙入麝香半錢為末挑少許入耳中
偏正頭風 氣
 日夜三四次必愈為度 楊氏家藏
 攻不可忍用全蠶二十一箇地龍六條土狗三箇
 五倍子五錢為末酒調攤貼太陽穴上 德生堂

經驗
風牙疼痛 全蠶三箇煑房二錢
 方 炒白礬燒各二兩為末每 直指方
 服半錢米飲下 聖惠方
子腸不收 全蠶炒研末
 啗之立效 衛生寶鑑 諸痔發癢 用全蠶不以多少燒烟熏諸
 衛生寶鑑 諸痔發癢 用全蠶不以多少燒烟熏諸
瘡毒腫 全蠶七枚厄子七箇麻油煎黑去
 滓入黃蠟化成膏傅之 澹寮方

水蛭 本經 下品 七

釋名 蛭 與蜺同爾 至掌 別錄 大者名馬蜺 唐 馬蛭 唐

馬蟻 行義 有冰痴草痴之稱宗奭曰汁人謂大
 者為馬鼈腹 黃者為馬蟻

集解 別錄曰水蛭生雷澤池澤五月六月采暴乾
 以景曰處處河池有之其有數種以水中馬

與得齒人腹中有益者乾之為佳山蛟及諸小者皆不堪用秦曰有水蛭草蛭大者長尺許並能啣牛馬人血今俗多取水中小者用之大效不必食人血滿腹者其草蛭在深山草上人行即着脛股不覺入於肉中產育為害山人自有療法保昇曰惟采水中小者用之別有石蛭生石上泥經生泥中二蛭頭尖腰粗色赤誤食之令人眼中如生烟漸致枯損時珍曰李石續博物志云南方水痴似臭涕聞人氣閉閃閃而動就不體成瘡惟以麝香硃砂塗之即愈此即草蛭也

修治

保昇曰采得以蠶竹筒盛待乾用米泔浸一夜暴乾以冬猪脂煎令焦黃然後用之藏器曰收乾蛭當展其身命長腹中有子者去之性最難死雖以火炙亦如魚子煙熏經年得水尤活也大明曰此物極難修治須細剉以微火炒色黃乃熟不爾入腹生子為害時珍曰昔有途行飲水及食冰菓誤吞水蛭入腹生子為害數升則必盡下黃瘦者惟以用泥或搗黃土水飲數升則必盡下

出也蓋蛭在人腹忽得王氣而下爾或以牛羊熱血一二升同猪脂煎之亦下也

氣味鹹苦平有毒

別錄曰微寒○畏石灰食鹽

主治逐惡血瘀血月閉破血癥積聚無子利水道

經 隨胎錄治女子月閉欲成血勞性嘔赤白遊癆

及癰腫毒腫藏器治折傷墜蹠畜血有功 寇宗奭

發明

成無已曰鹹走血苦勝血水蛭之鹹苦以除畜血乃肝經血分藥故能通肝經聚血弘景曰楚王食寒狙見蛭吞之果能去結積雖曰陰祐亦是物性蕪然藏器曰此物難死故為楚王之病也時珍曰按賈誼新書云楚惠王食寒菹得蛭恐監食當死遂吞之腹有疾而不能食令尹曰天道無親惟德是輔王有仁德病不為傷王果病愈此楚王吞蛭之事也王充論衡亦云蛭乃食血之蟲

楚王殆有積血之病故食
蛭而病愈也與陶說相符

附方 新舊四漏血不止 水蛭炒為末酒服一錢日
二服惡血消即愈 于金產

後血運 血結聚於胸中或偏於少腹或連於脇肋
用木蛭炒去翅足炒沒藥麝香各一

錢為末以四物湯調下血下
痛止仍服四物湯○保命集折傷疼痛 水蛭新瓦
煨為細末

酒服二錢食頃作痛可更
將折骨藥封以物夾定調理○經驗方跌撲損傷

瘀血凝滯心腹脹痛大小使不通欲死用紅蛭石
灰炒黃半兩大黃牽牛頭末各二兩為末每服二

錢熱酒調下當下惡血以
盡為度名奪命散下濟生墜跌打擊 內傷神効左

一兩到碎燒令烟出為末酒服一錢當下
畜血未止再服其效如神 古今錄驗方杖瘡腫

痛 水蛭炒研同朴硝等分研末
水調傳之 周密志雅堂抄赤白丹腫 藏器曰

十余枚令啞病處取皮鞞肉
中搗取暖水養之令動先燻人皮膚以竹筒盛蛭

合之須更咬啞血
滿自脫更用飢者癰腫初起 同上 紉染白鬚 談楚

用水蛭為極細末以龜尿調
○一用白烏骨雞一隻殺血入瓶中納活水蛭數

十於內待化成水以猪膽皮包
入瓶也○普濟用大水蛭七枚為末汞一兩以銀

三兩作小盒盛之用蚯蚓泥
糞中四十九日取出化為黑油以魚肝油每蘸

少許燃鬚上其油自然倒行
又黑鬚倒捲簾方用大馬蟬二三條竹筒裝之

夜置露處受氣餓過七日
過四五次復陰乾將猪脛骨打斷放蟬入內仍合

定鐵線纏住益泥塗之乾時
二次退開三寸火又五寸香三次再退遠火又五

寸香取出為末將猪膽皮包
精承末搽鬚稍即倒上也

釋名玄駒

亦作

虬蟬

時珍曰蟻有君臣之義故字從義亦作蟬大者為虬蟬亦

曰馬蟻赤者名蠶飛者名蠶揚雄方言云齊魯之間謂之蚶梁益之間謂之玄駒幽燕謂之蟻蟬夏小正云十二月玄駒奔謂蟻入蟄也木蟻喜酣戰故有馬駒之稱而崔豹古今注遂以蟻妖附會其說謬矣今不取

集解

時珍曰蟻處處有之有大小黑白黃赤數種穴居卵生其居有等其行有隊能知兩候春

出冬蟄壅土成封曰蟻封曰及蟻垤蟻垤蟻冢壯其如封垤垤冢也其卵名蚶音遲山人掘之有至斗石者古人食之故內則周官饋食之豆有蚶醢也今惟南夷食之劉涓子表錄異云交廣溪峒間酋長多取蟻卵淘淨為醬云味似肉醬非尊貴不可得也又云嶺南多蟻其窠如薄絮囊連帶枝葉

彼人以布袋貯之曹與養柑子者以辟蠹蟲五行記云後魏時兗州有赤蟻與黑蟻聞長六七步廣四寸赤蟻斷頭死則離騷所謂南方赤蟻若象玄蜂若壺者非寓言也又按陳藏器言嶺南有獨脚蟻一足連樹根下止能動搖不能脫去亦一異者也

附錄白蟻

時珍曰白蟻即蟻之白者一名蠶一名

飛螳穴地而居蠹木而食因濕管土大為物害初生為蟻蟻至夏遺卵生翼而飛則變黑色尋亦隕死性畏燂炭桐油竹鷄云○蟻音鈗

蟻蛭土

並見

獨脚蟻

主治

丁腫疽毒搗塗之

藏器

青腰蟲

拾遺

集解

藏器曰蟲大如中蟻赤色腰中青黑似狗獨三尾而尖有短翅能飛春夏有之也

主治有大毒着人皮肉腫起剝入面皮除印字至骨者亦盡食惡瘡瘰肉殺癬蟲藏

蛆綱
目
ウビ

釋名時珍曰蛆行趨趨故謂之蛆或云沮如則生亦通

集解時珍曰蛆蠅之子也凡物敗臭則生之古法治諸生蛆以草烏切片投之張子和治癰疽瘡瘍生蛆以木香板柳散末傅之李樓治爛疽生蛆以嫩柳葉鋪卧引出之高武用猪肉片引出以黎蘆貫衆白欬為末用真香油調傅之也

氣味寒無毒

主治糞中蛆治小兒諸疳積疳瘡熱病謔妄毒痢

作吐

泥中蛆治目赤洗淨晒研貼之

馬肉蛆治鍼箭入肉中及取蟲牙

醫蠶肉蛆治小兒諸疳並時珍

附方新一切疳疾聖濟總錄六月取糞坑中蛆淘入麝香米飲服之○又方用蛆蛻米泔

逐日換浸五日再以清水換浸三日晒焙為末入黃連末等分每半兩入麝香五分以豬膽

汁和丸黍米大每服三四十九米飲下神效小兒

熱疳尿如米泔大便不調糞小兒瘰積用糞中蛆

為末入甘草末少許米糊丸梧子大小兒諸疳積

本草綱目卷之四十一

總微論

及無辜瘡一服退熱二服煩渴止三服瀉痢任用
 端午午時取蠶墓金眼木腹不跳不鳴者插死置
 屎桶中候生蛆食盡取蛆入新布袋懸長流水中
 三日新瓦焙乾入麝香少許為末每空心以砂糖
 湯調服一錢或粳米糊為丸齒鼻痔瘡者燒灰一
 每米飲服二三十九直指
 錢褐衣灰五分和熱痢吐食因服熱藥而致者用
 勻頻吹神效無比乾為末每服
 乾為末每服眼目赤暗青泥中蛆淘淨日乾為末
 一錢米飲下須臾藥行待少
 一錢散目上肥赤馬肉一斤入粉
 時去藥赤暗亦然保命集
 肥赤馬肉一斤入粉利骨取牙普濟如神
 為末每一兩入粉四畔空虛次以燈心
 四畔空虛次以燈心秘韞利骨散用白馬
 秘韞利骨散用白馬骨白雞一隻食之取糞
 骨白雞一隻食之取糞一錢研勻用少許擦
 一錢研勻用少許擦

蠅
 綱目
 八七

釋名
 時珍曰蠅飛營營
 其声自呼故名

集解
 時珍曰蠅處處有之夏出冬蟄喜暖惡寒蒼
 者首如火麻者茅根所化蠅聲在鼻而足喜交其
 蛆胎生蛆入灰中蛻化為蠅如蠶蛹之化也蠅
 溺木死得灰復活故淮南子云爛灰生蠅古人憎
 之多有禳法一種小蟻蛛專捕食之謂之蠅虎者
 也是也

主治拳毛倒睫以臘月蟄蠅乾研為末以鼻頻嗅
 之即愈時珍

發明
 時珍曰蠅古方未見用者近時普
 齊方載此法云出海上一名方也

狗蠅

綱目

卷之八

集解

時珍曰狗蠅生狗身上狀如蠅黃色能飛堅皮利喙啜啞狗血冬月則藏狗耳中

氣味

缺

主治

瘰癧不止活取一枚去翅足麩裹為丸衣以

黃丹發日早米飲吞之得吐即止或以蠟丸酒服

亦可又搗酒服治痘瘡倒靨

時珍

發明

時珍曰狗蠅古方未見用者近世醫方大成載治瘡方齊東野語載托痘方蓋亦鼠負牛蝨之類耳周密云同僚括蒼陳坡老儒也言其孫三歲時發熱七日痘出而倒靨色黑唇口冰冷危證也遍試諸藥不效因求小遇一士告以故土因拾有藥可起此疾甚奇因為經營心許持歸服之

移時即紅潤也常懇求其方乃用狗蠅七枚搗細和醪酒少許調服爾六痘瘡固是危事然不可擾太要在固臟氣之外任其自然爾

附錄

壁蝨

時珍曰即臭蟲也狀如酸棗仁啞人血食與蝨皆為牀榻之害古人多于席下

置麝香雄黃或菖蒲末或葫藿末或棟花末或蓼末或燒木瓜炮黃藥烟牛角烟馬蹄烟以辟之也

牛蝨

綱目

釋名

牛蠅

音甲時珍曰蠅亦作蜚按呂忱字林云蠅齧牛蝨也

集解

時珍曰牛蝨生牛身上狀如蜚麻子有白黑二色齧血滿腹時自墜落也入藥用白色者

氣味

缺

主治

預解小兒痘疹毒焙研服之

時珍

發明

時珍曰牛蝨古方未見用者近世預解痘毒方時或用之按高仲武痘疹管見云世俗用牛蝨治痘效之本草不載竊恐牛蝨咬血例比重蝨終非痘家所宜而毒亦未必能解也

附方

新預解痘毒 譚野翁方用白水牛蝨一歲取下惡糞終身可免痘瘡之患○一方用白牛蝨四十九枚焙綠豆四十粒硃砂四分九厘研朱煉蜜丸小豆大以綠豆湯下

人蝨

拾レヲ三

釋名

虱 時珍曰蝨從尸從蟲尸音迅蟲音昆蝨行尸疾而昆繁故也俗作虱

集解

慎微曰披西陽雜俎云人將死蝨離身或云取病人蝨於床前可卜病如蝨行向病者必死也荆州張典兵曾捫得兩頭蝨也時珍曰人物皆有蝨但形各不同始由氣化而後乃遺卵出蟻

也草木子言其木足行必向北抱朴子云頭蝨黑着身變白身蝨白着頭變黑所漸然也又有蝨癥蝨癧諸方法可見蝨之為害非小也千金方云有入醫蝨在腹中生長為癥能斃人用敗篋敗梳各以一半燒末一半煮湯調服即從下部出也徐鉉稽神錄云浮梁李生背起如孟惟痒不可忍人皆不識醫士秦德立云此蝨癧也以藥傳之一夕癧破出蝨半餘即日體輕但小竅不合時時蝨出無數竟死予記唐小說載滑臺一人病此賈魏公言惟千年木梳燒灰及黃龍浴水乃能治之也洪邁夷堅志云臨川有人入頰生癧痒不可忍惟以火炙一醫剖之出蝨無數最後出二大蝨一白一黑頰愈亦無癧痕此蝨癧也又今人陰毛中多生陰蝨痒不可當肉中挑出皆八足而扁或白或紅古方不載醫以銀杏擦之或銀硃熏之皆愈也

氣味

鹹平微毒

畏水銀硃百部菖蒲蝨建草水中竹葉赤龍尖空

本草綱目卷之四十一

主治人大發頭熱者令腦縫裂開取黑蟲三五百
 搗傳之又治疔腫以十枚置瘡上用荻箔繩作炷
 灸蟲上即根出也又治脚指間肉刺瘡以黑蟲傳
 之根亦出也藏器眼毛倒睫者拔去毛以蟲血點上
附方新脚指雞眼先挑破取黑白蟲各一枚置於
上縛之數用自愈也便民圖

纂

